



10770

牧齋初學集卷第九

崇禎詩集五

起己巳八月
盡四年辛未

己巳八月侍放歸田感懷述事奉寄南都

諸君子四首

留都文物漢西京虎踞龍蟠集俊英 高廟神

靈嘗陟降中朝佞倖敢縱橫瑣闈月白鍾山曉

烏府霜寒淮水清望盡浮雲天北極長安應見

泰階平

其二

舊京清議仗羣公驛騎橫飛諫紙風拜表日行

牧齋集九

黃道裏焚香心在綠章中唐麻感激排狐鼠漢

黨分明辨馭鴻 主聖時清還努力 孝陵佳

氣正葱蔥

其三

三老衣冠在白門清朝麟鳳尚郊原積薪國有

優賢意碩果天遺舊德存安石流風傳賭墅半

山陳跡說爭墩金陵歷歷前朝事退食還應一

笑論

三老謂司農鄭公三俊大憲陳公于廷大理徐公良彥也

其四

白浪橫流捲濁河餘生剛此一毛多羣公正議

排闥闔 聖主深仁解網羅
小圃春陰閒汲甕 孤舟野水老漁蓑
輪囷尚有心期在 獨倚樵風寄浩歌

反東坡洗兒詩已巳九月九日

坡公養子怕聰明我爲痴 歎誤一生還願生兒
猥且巧鑽天驀地到公卿

宋比王過訪虞山將別以六絕句爲贈

落葉蕭蕭響徑莎 兒童却掃遲相過
看君漫滅懷中刺 恰稱閒門有雀羅

其二

牧齋集九

突兀長篇賦荔支 主文譎諫起人思
歌樓酒壁

從揮灑且莫流傳諷諭詩

比王賦荔支長篇有樂天諷諫之遺

其三

五斗酒應饒下物 八分書足張去吾軍疎窻小

閣初冬夜月落歌殘可少君

其四

吾谷丹黃似夢中 經過每欲吊西風
詩朋禪侶

凋殘後也似霜林幾樹楓

其五

膠水休爲長鋏歌 州民地主遲君多
南翔便是

西州路匣硯囊琴忍再過

南翔李長
蘅所居

其六

茸城寒月正如規列屋微歌鬪十眉寄語主人
應醉客莫嫌宋玉有微詞

此王將行次前韻留別再和六首

幾樹梧桐一徑莎君行剝喙少人過衡門兩版
堅如鐵不用門前更設羅

其二

陳紫姚黃品荔支謫官風味正堪思對君畫筆
流涎劇况味梁溪斷送詩

李忠定謫沙陽有畫
荔枝詩以陳紫比姚

牧齋集九

黃又詩云不知誰是善知識斷送歸來食荔枝
也此玉畫荔枝懸余小閣中見之者以爲可旋摘

其三

三杯自可觀觴政一日那能廢酒軍莫道醉鄉
無史牒酒家南董定推君

比王方
修酒志

其四

十載清游在眼中霜林共惜小春風白頭伴侶

三人在約略心期愛晚楓

益陽楓林遲比王詩
云前期尚有遲來客

莫發小春花信風去今十三
年同游李長蘅僧等慈皆沒

其五

手自鳴琴客善歌淋漓潑墨酒邊多
瓊花珠月如相待便似當年老鐵過

其六

畫船携得硯如規會向春紅伴
畫眉珍重朝來遠山色小鸞休咏
白頭詞比王載宋硯甚富小鸞比王妾也

比王許再和前韻長至日蚤起復書此趣之

斗柄瞻相手自莎

經典釋文頃潤猶接莎也

人間屈曲偶經

過笑君尚護仙人短顧我依然口縷羅

比王書來嘆余

屏廢故云

牧齋集九

四

其二

踏遍炎荒喫荔支輕紅旋摘也堪思

梁溪詩云輕紅旋摘

自提携

不如且對臙脂畫棐几湘簾賦小詩

其三

落魄風流迴不羣酒場騷壘自能軍
微詞若道無人解何事登徒也識君

其四

吳儂難得到閩中想象生香是捉風脫略味香
單說色判他紅荔似丹楓

其五

茸城聽遍後庭歌
還憶梅花拂水多
一樹莓苔數枝雪
凌寒著藥待君過

其六

北嶺參差露半規
西山重疊隱修眉
登樓何限思君意
簾閣焚香讀楚詞

次韻何慈公歲暮感事四首

薊北兵塵逼暮文
菰蘆愁殺老吳儂
龜劔但爲知人事
蟻鬪誰能壯國容
拔宅升天還有路
乘桴入海欲何從
殘生顧影真堪笑
好笑非關學士龍

牧齋集九

其二

梅信差池鶴夢寒
傍簷聊喜鵲聲乾
途窮白髮猶難放
身老陰符已不看
南海騎麟真漫浪
東門逐兔枉悲酸
齏鹽且喫殘年飯
兩耳那堪著

箭瘢

用南唐王興事

其三

空堂莞藉正幽幽

韓詩空堂幽幽有藉有莞

高枕慙非抱膝

流老去童心還似少
春來蓬戶只如秋
硯澌凍

含愁南牧斲酒香
濃念北郵寒瘵
頗思龜手藥

百金安敢覲封侯

其四

風雨漂搖不可當，清虛宮裏日差長。
鬪碁小試行軍法，撒豆頻誇却敵方。
閒逐鄧林搜葉杖，戲禁滄海學栽桑。
險竿兒女西涼伎，贏得先生一哄堂。

野老

野老心終恨虜驕，扶藜咄咄步中宵。
卽看露布來京國，無那雲林遠市朝。
筵卜頻煩欣竹算，鏡聽瑟瑟畏詩妖。
輟耕今日欣相告，嵩祝仍趨誕聖朝。

讀史

牧齋集九

六

班史才繙又短長，閑鑽故紙費商量。
死人豈必無生術，今病何曾乏古方。
種漆樊侯知備豫，解絃董子會更張。
空齋白日聊成夢，一笑依然看屋梁。

庚午二月，憨山大師全身入五乳塔院，屬其徒以辦香致弔奉述長句四首。

墮山如乳五峯垂，一塔巋然掩導師。
面壁朝來仍入定，藏舟夜半已潛移。
影堂落月明燈在，刻漏穿花響梵遲。
莫問阿師聲後句，臥龍岡水繞

堦墀

師臨終不作偈有學人妄添蛇足故云

其二

如王氣宇更誰先
蹴踏平欺龍象筵
斷取陶輪憑手掌
破除彌戾等雲煙
空山月炤苔龕裏
春日鶯啼石塔前
猶有六時喧瀑布
諸方驚倒野狐禪

其三

龜毛兔角不須疑
千偈瀾翻信口爲
支遁何妨通義學
遠公原是老經師
周續之與雷次宗同受遠法師詩義見詩經疏
冰山瘴海埋身處
木索冠巾說法時
讀罷

牧齋集九

七

豐碑度林樾
香爐峯頂月如規

其四

猶憶拏舟夜別師
胥江水落月斜時
草堂未踐青山約
蓮社空餘白首期
坐斷風雷成小劫
夢回甲子看殘碁
傷心誰繼蕭夫子
謂宗伯宣化公也
爲

斲曹溪第一碑

贈廬山知微長老

大師昔陷若盧獄
長老一身視饘粥
大師今埋五乳峯
長老六時司鼓鐘
死生形影不相捨
長老爲雲師爲龍
大師石塔何崔嵬
影堂正向廬

山開焚香掃地坐復臥臥聽瀑布如崩雷塔裏
明燈嘗不動塔前青松手所種若問長老年幾
何長老身心盡如夢

瓜山沈老居北郊茂瓜丘老而好事賦以

贈之

中裁白氎杖紅藤丙舍青山近可登叢桂秋風
生北郭種瓜朝日曜東陵繁華眼底看巢燕矍
鑠眉端想臂鷹老去光明須記取祝君嘗此佛
前燈

沈老深目高顴里人有
老人燈之目故戲之

戲爲拂水築臺歌贈嘉定夏生華甫

牧齋集九

八

拂水山高屋庑下况復蒙茸隔林莽牆外青山
自矗立招邀未肯入庭戶徙倚觀山意未愜何
繇收攬得十五年疊石爲此臺面勢軒敞恣
所取向背數步藏曲折位置羣山就仰俯劔門
闔扇手可排石城雉堞指能數此山與我非生
客欣然故人覲眉宇蜿蜒似可下枕席傲兀頗
欲分笑語登臺四顧咸歎息問誰築者夏華甫
夏生豁達俠者流酒後槎牙出肺腑爲山一簣
雖細事如登將臺握齊斧山氓蚩蚩園丁拳轉
圓鬪筍類搏土刻漏立表各命工能驅市人束

部伍興譎聲闌畚築罷獨提巨石手撐柱不煩
執秩爭用命日旰奮迅逾亭午又如大將督戰
陳身先士卒共甘苦人言夏生築臺好生也俯
躬但傴僂指麾幸有松圓老敢貪天功僭旂鼓
此意逡遁人豈知說禮悖詩聞自古君不見東
方錫奴躡畿輔去年血濺蘆溝橋今年塵暗平
灤土朝廷將吏盡賈豎天子拊髀思文武夏
生夏生吾惜汝投石馭衆氣如虎何不置之遵
永閒付以長繩縛驕虜

夏日偕朱子暇憇耦耕堂次子暇訪孟陽

韻三首

牧齋集九

九

面湖軒敞背山深小築依然是故林清簟看碁
方文客

等慈師居山中縛禪之暇觀碁至夜分
孟陽詩云影堂月落泉鳴咽無復疎簾

碁看奕

夜燈聽雨十年心遺民老似孤花在陳跡

閑隨舊燕尋擬著此中棲逸史遠從虞仲到於
今

其二

艱危閱盡想方袍收拾殘生避豕豪一酌春膠
營我老千章夏木爲君高圖山墨漫西湖雨煮
水茶生北澗濤稍待秋風到蘆荻共尋蟹舍上

魚舫

其三

澹景芳陰梅雨時過雲相訪少人知紅稀舊圃
羣蜂去青暗重林碩果垂澗底流泉穿石急松
閒明月出林遲他年終作三休侶乘興先爲結
隱期

干將行

庚午五月十三日
傷臨邑司馬而作

君不見莫耶之劍缺黍米姑蘇梧桐臥流水莫
耶舊恨今已矣又見干將死獄底干將鑄時光
屬天百神下降蛟龍纏鬼怪相戒匿形影攙槍

牧齋集九

十

不敢爭妖躔可憐劍氣一朝盡黑獄沉沉埋血
磷牛斗變化知何日貫索光芒竟誰問君不見
延津龍去有餘悲還憶吳宮麋鹿時無復湛盧
誅宰誣爭傳屬鏤賜靈胥

贈張五叔維

幾枝檉柳半床塵門外青山過雨新送來僧來
嘗共食乞花客至已忘貧屋如韓愈詩中句
破屋數間而已矣 身是王維畫裏人一曲洞簫判盡醉
詩韓

桐華滿地月如銀

崇禎庚午中秋日拜觀睢陽五老圖敬次

杜正獻公原韻

鬚眉巾屨盡高閑
瞻拜修然整敝冠
舊德至今傳五老
豐碑何用視三桓
拔茅事往風猶在
舉網謀成骨已寒
嘆息昭陵還盛世
儀刑長向畫圖看

八月十二夜

憑闌風露浩難收
旋覺清光在上頭
橫攬煙巒成小築
平臨雲物見高秋
時秋水闊初成與孟陽綠梯登眺月
穿窈窕山皆漏
湖逗空明野欲流
尊酒相看多遠思
蘆花如雪記滄州
余去年過滄州有懷孟陽詩

牧齋集九

十一

十三夜

石城雲散暮煙收
冉冉清光兩白頭
坐久湖山皆得月
望窮天宇始知秋
浴鷗汀渚層層出
沒鶴溪田淦淦流
盃酒勸君成一笑
長鉶那得更滄州

十四夜留吳門卞潤甫

傍嶺新成駐月樓
客來恰喜值中秋
苦多風雨催君去
借少湖山爲我留
滄酒淡堪澆小戶
漁灣淺可繫扁舟
劫灰金虎繁華夢
莫對佳晨憶

十五夜不見月

兔遠蟾高不用愁，浮雲只在屋東頭。雖虛灑灑，金尊炤却掩蕭蕭。白髮羞栖鶴，麤思北嶺啼。醬清切近南樓，更闌且對殘燈臥。領略孤衾一段秋。

十七日雨中小酌卽事

稻花風急浪花催，湖外重陰積不開。好客恰如將雨至，清歌直欲送愁來。雲霾月窟千層合，日射山根一颭迴。碁罷燈殘北窻下，秋蟲多處重徘徊。

牧齋集九

十二

嘉定李茂初風雪中自南翔過訪不值而
去留詩盈帙頃復枉和初夏次韻詩見懷
遂依韻奉荅首章傷長蘅之逝而末章則
期茂初之來茂初長蘅之兄也

嚶水池塘草又深，檀園柳蔚成林。新桐但引

清晨恨

長蘅檀園引新桐為亭名之曰晨露

落葉空驚獨夜心，佳

句見君還鬢髯，懽懽除夢可追尋。劇憐一掬南
翔淚，兩度西風忍到今。

其二

百里嚴風刮敝袍，吟髭凍合想抽豪。論交自爲

冰霜苦煉句偏於寒餓高滄海我真愁
頽洞菘蘆君亦嘆波濤斜風細雨松江路
蓑笠何因共小舡

其三

蕭閒山館晚秋時風物還堪報子知
楓葉三分霜點染荷衣十字雨低垂
縣流礪合泉來早傍嶺樓成月去遲
相訪不須愁剝啄應門雙鶴有前期

眼鏡篇送張七異度北上公車

西洋眼鏡規璧圓玻璃爲質象絢緣
千年老冰

牧齋集九

十三

出玉淵巧匠消冶施刻鐫薄如方空
吹輕煙瑩

如月魄濯清泉帷燈簾閣對簡編能
使老眼回

少年蠅頭蠱尾如兒拳釐虱豈必非
輪懸賈胡

贈比黃金千伴我綸閣今歸田短檠
曲几相周

旋無復椽燭輝金蓮免園敞用鑿且
穿礫碎讎

勘蟲魚篇此鏡失職吾所憐摩娑三
嘆夜不眠

張兄偕計北上燕東芻糝絲當贈鞭
侑以此物

非棄捐如遘美女詒朱鈿萬蟻戰酣
晝日殷五

星明聚夜緯聯春蠶食葉秋毛旋此
鏡燿燿閒

蓋纏目光如炬筆如椽六丁下取奎
避躔春王

三月花嬋娟紗燈玉斧聽臚傳萬言長策貢細
旃閣老次讀當御筵君家金鏡此其先天地章
光宜節宣有鏡覆目光乃全惟皇聰明曜八延
冕旒蔽明垂邃延知白守黑通重玄眼有瘴膜
得鏡蠲如燈能炤日月偏竝觀兼聽無愚賢不
見煉石能補天老農潦倒牛背邊負日欲獻無
因緣長歌此詩風謠然願君採進重睡前

同徑山僧出郊看紅葉

烘日蒸霞萬樹堆石城應作赤城猜駐顏青女
能相待試手天公又一迴斜炤樓臺疑罨畫晚

牧齋集九

十四

風蛺蝶誤遲回老僧住近臨安路錯認漫山錦
繡來

十月十七日偕孟陽茂初步至寶嚴灣楓
林爛然因尋故人瞿元初墓徙倚寺前石
橋作短歌記之

谷林之西石城東竊紅殷紅燒去秋空誰知寶

嚴灣更好四山合脊藏千楓呀然一徑通窈窕

流丹絢赤相蔽蒙護惜霜風起屏幃包裹錦繡

圍房櫳我來步履如相引炤眼灼爍驚芳叢忽

如漁郎造花徑綠溪瞥見花茸茸又如天台山

盜匪好女離立矜春容煙林向背亂朱碧日暈
穿漏皆玲瓏背日丹楓畫不出坐臥彌覺此語
工道旁宿草故人墓黃土正掩紅葉中追憶生
平腹痛語安得盃酒澆蒿蓬人言此墳古塔址
指點丘垤看龍從白楊蕭蕭響空谷長似鈴鐸
悲回風沉吟感歎古寺側斜陽猶炤一畝宮寺
門寒水石橋下恰有一葉流殘紅

次日自拂水步至吾谷登南巖憇維摩寺
金粟堂飯後下破山過高僧墓與孟陽尋
等慈和尚葬處薄暮而返卽事爲詩語不

倫次

牧齋集九

十五

意行曳杖隨所騁遙林紅葉紛相請信步谷林
凌坡陀矯首維摩隈煙嶺惠不在天行卽到一
笑欣然發勇猛追趨樵子穿犖确提掇裳衣避
柴梗携手反平哂僮奴喘失脚恐踏後人頂石
徑登登磐石出岫轉峯迴在俄傾老僧導我游
南巖巖踞山巔儼項領突兀盤杆列兩湖滅沒
煙塵生萬井灌木森如百頃禾俯視楓林背日
景丹丘錦城斯在下紛紅駭綠誰能整恍然生
身色界上累蘇積塊何足省虛堂像設禮金粟

空山精怪見，蘇杏淨名無言我亦默。饑來且噉
蔓青餅，辟塵試辨古石鉢。揀茅約致新土茗，齋
鐘撞罷尋破山松風。颼颼四山靜，笑揮篋輿却
竹杖。判將老足試頑礦，高僧墳畔僧族葬。空心
潭下無潭影，空門何用悲宿草。吾友多情淚如
縷，今年冬暄霜未濃。丹楓爛結丹砂永，殘紅恰
似佳人老。夕陽更愛晚粧靚，閑身良友好風日。
天其以此慰幽屏，清游無緒心自縈。歸塗雲物
彌炯炯，揮手且與山僧別。多謝維摩老木癭。

題李長蘅爲吳生畫溪山秋靄圖

收齋集九

十六

吳生遇盜事亦奇，襪被囊琴暮雨時。向盜乞畫
真癡絕，盜亦欣然還擲之。此畫經營良不苟，老
樹槎牙怪石走豪奪。巧取或可慮，豈意魯弓還
盜手。今年逢君書畫船，收藏欲厭宣味編展玩。
竟日頭目運更撫，此卷心茫然。水墨淋漓如欲
語，眼中斯人定何許。畫裏還看漠漠雲，燈前自
聽瀟瀟雨。詩腸淚眼半焦枯，短歌偈塞堪盧胡。
憑君更屬松圓老，爲寫江干乞畫圖。

冬夜觀劇歌爲徐二爾從作

金鋪著霜月上楹，高堂綺席陳吳羹。撞鐘伐鼓

催嚴更促尊合坐飛兕觥蘭膏明燭凝銀燈缸
花夜笑春風生矍踰蹴水光盈盈繡屏屈膝圍
小伶十三不足十一零金花繡領簇隊行行列
參差機體輕宛如魁壘登平城涉江采菱發新
聲紅牙檀板縱復橫絲肉交奮梁塵驚歌喉徐
引一線清江城素月流雛鶯歌闌曲罷呈妙戲
俵童當筵廣場沸安西師子金塗背擲身倒投
不觸地尋撞上索巧相背須臾技盡腰鼓退西
涼假面復何在險竿兒女心猶悸滿堂觀者爭
愕眙人生百年一戲筭郭郎鮑老多顛悴今夕

牧齋集九

十七

何夕良宴會主人携酒坐客位秉燭歡娛笑惜
費舞衣却卷光綵絳歌場尚圓聲搖曳眼花耳
熱各放意客歌未晞主旣醉

徐于王挽詞二首

夢雨庵中幾夜分綠尊絳蠟共知聞海棠小院
春深雨楊柳新詞日暮雲貧病不愁添白髮彌
留猶悵別紅裙與君花下多游跡但遇花時便
哭君

其二

箱篋蕭然屏當時爲君閒理舊蛛絲蟲魚想像

旁行字香粉凋殘豔體詩廢圃蜻蜒栖菜甲空
廊蝙蝠撲花枝秋來無限傷心處鄰笛斜陽又
一吹

贈新安汪景謨

汪精於鹽筴時僑居廣陵

十里紅樓映好春朱顏綠髮紫綸巾少年曾儼
龍頭客此日真成鶴背人后土祠前花似玉軒
轅鼎裏汞爲銀竹西歌吹重城月爛醉從他淮
海塵

其二

閱盡滄桑鬢未華悠悠人世幾蟲沙憂時尚貯

牧齋集九

十八

桓寬論爲國空餘卜式家方朔舊聽金馬詔陶
朱終泛五湖槎迎仙樓畔多仙侶進酒應將棗
似瓜

庚午除夕次孟陽山中詩韻

除夜蕭條風雨晨庭萱侵雪旋生春爆殘竹似
蕉園稿時神廟實錄告成故事實錄成焚稿於太液池之蕉園符換桃仍
華戶神不用署門辭過客也須謝竈請止鄰山
中喜有林逋在自與梅花作主人

辛未元旦次除夕韻

流年赴壑值斯晨歷落艱危五十春已與昌黎

同命主更推渤海作詩神

謂高達夫也

移山莫問河

濱叟卜宅還招粟里鄰拜罷北堂無一事商量
蠟屐伴高人

新歲有感次前韻二首

頌椒銘栢競芳晨只有寒門怕放春世少窮交
休著論宵多愕夢不驚神履霜往往悲中野乞
火紛紛媿比鄰數樹江梅將破萼未知索笑向
何人

其二

焚香散帙坐清晨澁雨慳風妬早春依社憑叢

牧齋集九

十九

原是鬼牽絲刻木總爲神漢臣未可營居第齊

國還須卜市鄰

取晏子近市貴賤之說

聞道公車徵射策

少年誰似雒陽人

人日書事示李一孟芳用前韻

澹蕩風懷佳麗晨商量何法破新春築臺未許
逃文債作廟還應祀酒神人日梅花多喜氣草
堂南北有芳鄰與君便是仙源客莫漫招他閭
路人

言樹堂詩爲金壇于季鑾作

高門何將將蘭綺臨通衢北堂高且靜網戶綴

綺疏夾窻夏爽爽複突寒渠渠堂中何所有規
地施氍毹筵席肆莞簟賓祭登牢蔬堂背何所
樹萱花滿堦除四垂復六出葉跗相扶疎壽母
居此堂有子承歡娛壽觴一再舉慈顏與萱如
萱花非桃李不隨春華徂萱樹非松栢侵雪長
卷舒光風轉蘭蕙庭萱與之俱綵衣戲堂下翩
反遞相於子潔比白華朱萼被絳趺映帶萱草
色丹白紛蔽敷嘉名應宜男孫枝美且都芳蘭
茁其牙靈芝產坐隅我思潘安仁奉母賦閒居
珍木映池沼繁榮翳屋廬乾沒有明訓止足良
厚誣終然負阿母千載爲嘆吁豈若樹萱者色
養自有餘蠲憂屏其貧養性遂厥初小人亦有
母寸草心豈無爲君歌此詩紳帶還自書

感秋二首

辛未之
秋日

扁舟約略潞河東去國孤身似斷蓬已是三年
成昨夢漫餘雙鬢待秋風燈前波浪中宵雨簾
外榮枯半樹桐自分無才方宋玉不將搖落怨

天公

其二

腸斷都門送別人三年懷裏字猶新朱厓夢入

真堪畏碧血藏來可化塵容髯爲君添颯拉心
期愧我尚輪困飄搖一葉知何處轉向秋風歎
此身臨邑司馬沒於請室時復見夢故有李朱崖之感

送南刑部侯主事入賀冬至節觀省其尊
人太傅公兼奔長公之喪

清時貴戚總能文瓊萼瑤枝孰竝君觀省長安
元近日會朝冬至正書雲石城皓月懸鳩署易
水寒風掠鴈羣燕市停鞭倘相憶玉河落葉尚
紛紛

讀汪三遺民詩集

牧齋集九

二十一

柳老鶯殘笑白顛長干遊跡尚依然閑尋舊句
如藏謎細讀新詩當紀年世事懵騰中酒後交
情約略看花前曉來頻嚏緣何事應爲衰遲綴
此編注詩多列貴游余亦附名其間故有此謔

戲題徐元歎所藏鍾伯敬茶訊詩卷

鍾生品詩如品茶龍團月片百不愛但愛幽香
餘澁留齒牙徐郎嗜茶又嗜鍾生詩微吟短咏
爬癢處恰是盧仝飲到搜腸破悶時鍾生逝矣
徐郎慟吟詩啜茶誰與共生平臭味阿堵中生
作茶郵死茶供今年徐郎示我茶訊篇兼携好

茗穀雨前坐聽松風沸石鼎手汲雲浪烹新泉
茶罷還枕石欄眠沉吟茶詩欲泫然高山流水
在何許但見風輕花落紫茶煙我不解茶又不
知詩一碗兩碗天池六安茗一首兩首黃金白
雲詞惜騰茗芋良足樂清吟韻事非所宜還君
此卷成一笑何異屠門大嚼眼飽胸中饑

星士陳叟生子

老蚌珠光炤海東東皇佳氣正籠葱莫嗔問字
爲遙集其母燕婢也故且喜呼名是小同與其父年
月皆同比鄭小人世但求庚癸足生年更要甲
同取義更切也

牧齋集九

二十三

辰雄三奇六合人誰曉湯餅筵前問乃翁

送人之廣東

客衣初授省裝綿南食秋衾楓葉邊不是之官
待漢節何妨過嶺歛貪泉兵依黃木占烽戍吏
映紅蕉望海船驛路逢人還問我爲言霜鬢正

蕭然

客先自嶺海回驛人多問余起居

戲題王德操小像四首

在家真可著袈裟七尺枯藤兩碗茶還有閒情
難忘却虎丘明月馬塍花

其二

靜夜然燈響木魚清晨鉞拂赴精廬眉閒黃氣
緣何事新得蕭孃一紙書德操長齋入道與草
衣道人有世外之契
每得草衣手跡籠置袖中
喜見眉宇人望而知之

其三

也是詩人是道人等閒風月閭闌身虎丘燒了
王微嫁更覺枯禪氣味真

其四

龐公靈炤機相似通德伶玄意若何却怪畫師
非石恪不將天女伴維摩

辛未除夕

牧齋集九

二十三

除夜柴門獨放閑新愁舊夢總相關半生心事
寒燈裏數載交游宿草閒懶聽比鄰喧爆竹笑
看童稚撞冰山春風一櫂滄浪曲應占漁莊第
幾灣

牧齋初學集卷第十

崇禎詩集六

起五年壬申
盡九年丙子

壬申元日

元日幽居一事無
雀羅寂寂到朝晡
人教老却衡門裡
天爲粧成臥雪圖
時事總憑新燕子
世情只笑舊桃符
停雲八表知何意
且坐東軒進一壺

人日得張藐姑刑侍書却寄

書閣摩挲嗅古香
冰消硯北逗春光
蕭條歲序逢人日
迢遞音書到草堂
天井烽煙新壁壘
玉

牧齋集十

關菟夢舊風
霜天涯相望俱
頭白各對梅花說
斷腸

卜肆行贈毘陵周午陽給諫稼軒推重午陽時時延致問卜故以賈生爲喻

君不見雒陽賈生能
壽國篋衍新書治
安策痛哭流涕長
太息身逢明盛心
偏側漢朝卿相疾
如讎讒言堆積成
山丘填胸攢眉不
稱意洗沐出游長
安市忽逢季主談
天人伏軾低頭心
欲死世運箕風還
畢雨可憐賈生心
獨苦前席居然答
鬼神長纓何日羈
胡虜有人如鳳復
如鴻

長笑端居卜肆中微言但託龍門史世主徒聞
河上公

新安汪烈婦歌

君死妾亦死君往泉臺蓋相俟君死妾暫存數
上日送君歸墓門君身已葬君有息妾下從君
乃其職七日不食我何求區區寸心庶不食世
閒男子一種饑餓腸紛紛籍籍食粟如蝨蝗豈
如汪家新婦不食死千年梁黍堆廩倉吁嗟乎
首陽之風今已矣宋家枋得亦如此

題相士倪生卷子

牧齋集十

二

二十年前識君父期我飛騰起雲霧祇今晚
又識君霜毛雪鬢徒紛紛人生能得幾二十觀
河鰲面何足論鳶肩火色誠何有曷鼻黠顏戲
已久誰令鄭圃還食豨但見魯門如喪狗勸君
揩拭兩青銅相法如今也 不同塵埃若欲知卿
相先看麀頭鼠目公

寄荅廣東孫方伯恭甫

攤書潑墨笑窮忙散髮蕭然作報章閣筆爲君
嘗異味閑函知我熱名香清齋荔子充堂食長
日蕉陰轉印床會得故人誦贈意披襟分取北

窻涼

仲夏觀劇歡讌泱月戲題長句呈同席許
宮允諸公

泱月邀歡趁會期老夫罷耗也追隨可憐舞豔
歌嬌日正是鶯啼燕語時中酒再霑年必病討
花重發早春凝閒身好事渾無賴看取霜毛一
番遲

其二

桐花風軟燕泥新一月歌場疊幾旬小戶權爲
衝酒客大家挨作佐別花人追陪歡讌應賒老

牧齋集十

三

驅使風光莫較貧處處衣鋪妓席知誰相笑
又誰嗔

其三

選勝偏宜朱夏長追歡更覺白頭忙熟梅雨帶
三分酒眠柳風吹一國狂飲劇好更新幟轟曲
喧休紊舊宮商叫喚莫謾嘲長夜日月何妨在
醉鄉

其四

衆中歌笑自言殊冉冉風光溢步趨點拍更誰
傳滿子歸來但坐看羅敷青袍便擬休官在紅

粉還能入道無筵散酒醒成一笑鬢絲禪榻正
疎蕪

負郭

負郭猶餘種秫田合歡長似在花前鳴夷盡日
嘗盛酒銅狄他時幾問年阮氏籍咸俱作達公
孫朝穆故堪憐執盃持耳休辭醉笑口難逢正
月圓

壬申九月得萊城解圍報

山東盜方熾勦撫策未分援兵頓不進瑟縮蟻
子羣萊人易子食督師瑱不聞 聖人赫斯怒

牧齋集十

四

西臺遣監軍王生善推命勸我無憂謹謝君足
辦賊談笑行策勳旬日邸報至捷書果云云萊
城頓解圍登賊祇游鳧惜哉王生術何不獻吾
君坐看肉食者薨薨聚蠅蚊空樓下梧葉颯如
賈秋雲呼酒互持勸一笑日已曛

贈萬尊師

峨眉秘籙爲君開又向天師受職來赤日吹唇
俄致雨青天撚手旋轟雷獄成百怪銜符至壇
輟羣神作禮迴莫爲社公頻發怒人間孤鼠正
喧豨

石田翁畫奚川八景圖歌

奚川八景圖石田翁爲七世祖理平公及其兄
理容公作也二公家世畊讀隱于奚川撮其勝
槩釐爲八景學士大夫咸歌咏之石田爲補圖
而系之以詩然而家譜失載家人宗老亦罕知
者則其去吾家久矣廣陵李沮修見之於金陵
王氏詢知爲吾家故物購以見詒百三十年之
後頓還舊觀焚香展卷欣慨交集遂作歌以記
之繼聲屬和竊有望于君子焉

吾祖舊題奚川景石翁爲作奚川圖廣陵封君

牧齋集十

五

好事者金陵購得歸于吾措摩老眼細瞪視夜
枕不寐朝忘饋恍惚移身入畫裏故園喬木風
景殊先從江邨見小市誅茅蓋瓦互架鋪洞庭
蝦菜朝走集新豐雞鴨暮識塗楊柳微風颺酒
幟杏花小雨提村沽市旁石橋枕江臥紅欄綠
浪臨交衢青箬裹鹽來浦澈綠荷包飯歸菰蘆
烝徒欣欣如有喜倘免厲涉羣謹呼茅屋滄洲
自映帶書聲漁唱相縈紆江流無聲清夜永有
人引書仍挈壺蟹舍中間訪隱逸牛欄西畔尋
生徒原隰坡陀似山麓行人才于通樵蘇千迴

萬抱風氣密中有兆域開青烏帝鄉白雲封宰

樹長江落日懸龜趺流泉夕陽昔相度江流地

勢原相扶柳溪竹里閒阡陌柳溪理容公所居竹深堂理平公所

居也二公皆以自號築室穿池連路隅竹深堂高日清閱

琴劒彝鼎羅氍毹湯東谷記云中有瑤琴寶劒漢鼎周彝紙窻攤

書宿燈火石鼎聯句皆笙竽堂中高咏者誰子

得非草窻東谷無草窻劉公溥東谷湯公胤績與七世祖為詩友所謂景泰

十才子也贈送詩各見集中此圖盤礴非草草想見閣筆還

操觚有竹庄中好賓主有竹居石田翁所居也寒冰栗玉

清眉須攜畫歸來水月舫七世祖有舟名水月舫東谷為長歌兄

弟賞鑿頻歎吁收藏豈乏牙籤插愛惜寧將寒

具洿清平之世忠孝家有此識字畊田夫吾祖

風流良可繼子孫不畊且讀何其愚嗚呼不畊

且讀何其愚

再題奚川八景畫卷

榮木樓頭風日美秋光滿簷鵲聲喜百年畫卷

今來歸水墨清妍炤斐几焚香洗爵告家廟插

架懸籤壓圖史楚弓人得豈其然魯王盜歸安

足擬晴窻簾閣重摩挲吾廬宛在奚川浹吾家

先世事畊讀風光盡入此圖裏白雲迴合藏松

牧齋集十

六

楸喬木叢攢識桑梓宅畔新成百步橋墳旁手
闢千家市良田廣宅互經營水坳江邨正邈迤
竹深堂前竹萬箇柳溪溪邊柳三起柳陰藹藹
連粉榆竹箭森森勝桃李連畛拒陌多種瓜樊
圃編籬不用枳野店春風魚菜來長江落日帆
檣止漁唱悠悠蘆渚閒書聲琅琅茅屋底犢背
或看書掛角庭前時見麥流水秋依月令戒登
穀春按函風勸于耜輸租不憂罄鼓煩種秫每
詫甕缸侈綠樹長維書畫船青門頻倒逢迎屣
高人談經日異糧好客哦詩夜同被草窻先友

牧齋集十

七

竝崢嶸竹屋遺詩尚綺靡

七世祖詩名竹深遺稿湯東谷深所推服

承平王孫人共美文采風流更誰氏自從後世
占科第舊業依然枕江汜嗟余刺促懼世網白
首孤生繫碁几二項負郭苦失計三閒老屋知
誰是故園門巷長蓬蒿西風罷亞生荆杞慵惰
有似僧退院漂泊恰如舟未艤布衣躬畊諒非
晚閉門種菜真窮矣垂老重看石田畫三嘆先
疇在故紙奚川流水想桃源竹深亭館思竹里
謝公述德吾豈敢右軍誓墓徒爲爾已分殘年
老襪禡更囑添丁充耘耔往不可諫來可追矢

詩聊以貽孫子

東臯種菊詩四首贈稼軒給諫

君畊東臯田復種東籬菊
王績與陶潛俯仰共一屋
東臯黃花時悵望節候獨
陶令苦乏酒辜負葛中漉
美君浣溪堂秋菊粲盈目
有花復有酒開筵招近局
何須嘆荒寒已許占清福
酌酒酌兩賢如農祀先穀

其二

菊以黃爲正君子正其名
所以東坡老欲掃紫與頰
東臯千株菊畦圃吁未經
單心複纏枝千葉并萬鈴
庶以說耳目何用攙品評
節物苟如此敢與時好爭
高咏南山詩悠然想淵明

其三

胡廣患風疾休沐飲菊水
八十猶克壯侍母謝杖凡
庸庸撓大議公台負譏毀
惜哉神仙藥遺穢等馬矢
靈均餐落英早沉汨羅死
安知椒蘭徒壽考非伯始
種菊愛其芳紛紛且休矣
不如飲君酒共醉寒香裏

其四

種菊東臯上所喜秋露灑
移檻復列斛馥郁開

草堂叢菊如羣賢不雜屠沽行其中高秀者黃
衣傲風霜對之不敢媿肅拜陳壺觴君爲醒無
功我似瘖子光秋光淡如菊燕靜彌芬芳老圃
良足學晚節安可忘肯哉東臯詩山菊秋自香
送座主王文肅公之子故戶部郎中淑抃
歸關中敘舊述懷一百韻

盜賊南山裏干戈左輔邊黔黎成狗鼠沃野變
烽煙長吏嬰城免將軍棄甲造流離踰四塞侵
略過三川力拒君何勇潛攻寇頗獍兒能張兩
翼身卽領中堅據險乘墻屋飛機擲甌甑蒼頭

牧齋集十

九

咸用命赤手或當先浴血捫創面樁喉數斷咽

長安舒羽檄餘賊返戈

戶部捍禦流賊身自搏戰賊退攜家集入

吳此後並述其事

國有孤臣哭家亡坐客羶所欣文末

墜敢嘆室如懸秦市難增減金陵好棊鐫提携

書數十跋涉路三千汲水秋風急淮河落日玄

虺墮荒店馬眩運下江船握手翻疑夢沉吟却

問年酒巡街鼓緩語熱燭花圓撩眼風塵色經

心香火緣可堪今契闊還記昔駢闐

此後並言文肅長翰

典試及余登第及門之事

萬曆丁中葉三秦甲大賢舉朝推

柱地寰海望回天子又登高第師將秉化權槐

堂紆紫綬杏苑簇紅箋座主龍門峻諸生鴈塔
聯愚蒙慙造士流俗艷登僊衣鉢援垂手宮墻
企及肩斷金容冶鑄攻玉荷陶甄擬議綸扉筆
追陪浴殿員風從徵翕習雨散遘迤邐此後並言文肅
領袖清流黨人被世豫私門孽朝清國論偏部
猖避位去國之事魁南北署黨禁紹熙浴杓直星依指芒寒宿避
躔清流常皎皎醜類正騫騫伏莽興戎壯高墉
射隼便鐘原因物扣鏡不爲人妍肯待三年報
都將一網寒構兵彌瀕楚餘燼合崑宣枉狀波
翻覆飛章矢屬連門蘭嗟并艾釜豆泣相煎保定

牧齋集十

十

公爲公元兄黨人借名歸自解蓬池直歸耕漆

水田人知馬融草孰贈繞朝鞭門人爲臺諫起

融飛章草効公故有馬之喻 斂手臨空局握衣任老拳城南瞻氣象

渭北釣清泉雜下居仍介關西望益專窻櫺題

障塞草野畫征麀虎觀敷陳逸龍樓羽翼捐儲

宮商老慮國步杞人憐紛濁登樓外憂危攬鏡

前龍胡銜主恤狼尾望公還天啓初以先帝舊

山斗看崔歸滄桑又改遷此已下並言奄寺鈞

少陽蒙出震雌霓比連卷簸扇僉壬巧馮依婦

寺癩決藩笞萬燂鈞黨考楊漣削籍空三事刊

章沸八埏拖腸難仰藥折骨美沉淵媪子繁螟

蟻閻兒長螳蜋咸寧王紹新乳虎猗氏喬應老

饑鳶日日驚追捕家家屯橐籥檻車拌竝載牢

戶儘平填已下叙公憂憤沒身之事祈死身如贅憂生骨亦

痛鬼神猶助虐夫子遂長眠拉折靈胡掌崩隕

王女蓮關河悲黯憺魑魅喜蹁躑高冢侯芭土

修門宋玉篇百身吁可贖七尺媿猶全崇禎元年予自

廢籍召入京旋構閣訟再遭謗鑠暫許茅連茹俄看草蔓延孤

踪何撲漱羣刺總翩翮封印藤麻格堆盤火齊

鮮覆金供鼠赫點王聚蠅羶共嘆詹來魯空招

牧齋集十

隗至燕食寧留碩果飲遽散初筵霍曠箕風暗

飛流斗域殷觚稜朝戀闕襍被夜乘舩此以下自敘歸

田屏居之事藿食還初服衡門省宿愆折鐺煨粥飯

秃筆弄丹鉛幸得懸車軸知誰任屋椽解嘲真

嬾作罵鬼記殘編小築西湖畔中車拂水巔山

窻雲淦淦澗戶竹娟娟石罅泉奔射林臯月漏

穿拈花迎夏蝶選樹蔭秋蟬割肉歸神社挑燈

送佛錢經行尋北澗譚讌度南阡蟹舍長腰米

漁莊縮項鱖不村羞擁腫為用憚儀衿已下敘余與郎

中贈處之意舊雨來人少寒風送客旋含言心悄悄

分手淚潺潺。弟子吾衰甚。恩門或忘焉。逢迎誰
倒屣。宴會罕加籩。陸氏莊荒矣。廉公市寂然。世
塗同鳥鼠。薄俗異夔蚘。底事防人面。何妨坐馬
韉。文肅門生滿吳下。郎中遠來不爲具。賓主之禮弛。張求省括燥濕學
安絃。物論將昭雪。郎君定洗滌。還期溫比玉。莫
倚直如弦。離別中年惡。涼溫昔夢牽。驪歌聲慘
愴。難酒恨纏綿。下馬陵終拜。金鑾集早傳。賦詩
當贈處。餐飯勉加旃。

壬申除夕

流年告別又匆匆。送歲蕭條不送窮。撩眼光陰

牧齋集十

十二

燈火畔。撞胸心緒漏。聲中門符換。却看新面書
蠹鑽餘識。舊叢多謝天。公耐貧薄一般白髮領
春風。

癸酉元旦

壽觴初舉日。瞳矐賀客駢。闐燕喜重羅。雀驚飛
門屏外。垂魚拜舞寢。庭中流年荏苒看兒長。報
國逡巡願歲豐。奏罷綠章占氣象。墻隅遙望朶
雲紅。

乙亥中秋吳門林若撫胡白叔二詩人引

祥琴之禮勸破詩戒次若撫來韻四首

二老相依貧病鄉賣詩賣藥自成行病知居士
安心法貧得詩人換骨方有句却難償酒債無
眸聊省看排場蓮華世界君知否總向詩籤藥
裏藏

其二

說鬼頻煩及志支興來姑使妄言之尋仙却喜
華顛早失學翻嫌躑躅遲愛殺黑甜如混沌憎
他青鏡有妍媸達生頗美東鄰老盡典衣襦合
舞兒東鄰徐二爾從也

其三

牧齋集十

十三

螳鬪龍拏總不聞席門簾閣看浮雲鵝籠出入
偏藏影豹脚飛鳴恰聚羣葦笥家家愁繫藉草
堂往往勒移文與君話到滄桑事一笑挑燈已
夜分

其四

殘生噩夢兩無憑還似飛鴻乍離繪酒戶下中
禁亦得詩腸枯澁戒何曾鈎簾想像粘風蝶穴
紙商量放凍蠅綺語未成先欲懺炷香遙禮二
幢儉白叔樹二經幢於花山刻二幢詩集

閒坐

青袍白馬已駸駸閒坐東窻度暝陰 聖代自
能調化瑟孤生未忍治祥琴功名豈是無因立
將相須從有福尋苦向爨桐論斲削勞薪長恐
誤知音

北客

每逢北客怕趨陪况復平津閣裏來正好一涼
蘇病骨莫將殘熱惱寒灰詔麻舊祗糊棋局京
雒新函拭酒杯秋草蕭蕭鋤不得無媒徑路任
君猜

仙壇倡和詩十首

牧齋集十

十四

慈月夫人前身爲智者大師高弟降此於吳門
示余曰明公前身廬山慧遠也從湛寂光中來
自忘之耳用洪武韻作長句見贈期待鄭重且
屬余曰求椽筆作傳一首以耀于世亦道人習
氣未除也余爲作泐師靈異記并和其詩十首
師示現因緣全爲台事現鬼神身護持正法故
當有天眼證明非余之戲論也

荷風晻靄日曛隴精舍焚香降泐公賸欲與君
談此事故應未始出吾宗人閒久已長迷鹿天
眼何會誤識龍領取導師深重意醉花眠竹謝

春工

其二

月地雲堦觀閣曠夫人秩祀比仙公妙華已悟
三車法台教今爲繼別宗神降擣詞嘗吐鳳此
回卓筆欲成龍麻姑狡獪真年少擲米區區作
鬼工

其三

三生殘夢喚瞳曨記別深慙是遠公已悔六時
違淨業誰傳四始立詩宗盲人說法迷真象狂
子談禪好假龍後五百年虛囑累利竿倒却仗

牧齋集十

十五

神工

其四

金闕寥陽曉氣曠綠章促數上天公帝方蒿目
憂黎庶君亦齋心相 祖宗狐鼠亂行憑虎豹
魚蝦波及爲蛟龍靈風肅穆帷中語憑仗神工
幹國工

師憂時閔世每箋奏
上帝情辭懇惻故云

其五

萬戶煙銷旭日曠扣門猶自夢周公中原血肉
悲朝市寢殿衣冠哭 祖宗 高廟神靈容鼠
雀皇天老眼混魚龍 朝廷補袞知誰手組織

爭如貝錦工

師示詩爲余白其貝錦故有此句

其六

熹微旭日隱瞳矓猶喜人天眼至公言論無聞

疑叔度衣冠見慕愧林宗贈詩有叔度林宗之目生嘗畏

世諳談虎術不逢時學豢龍鼠臂蟣肝更何有

從今一一聽天工

其七

帝城雲物正瞳矓尺一何曾及子公蹭蹬半生

悲宿業昇平中夜想神宗殘生却似重歸鶴

退士渾如未見龍身與蒼生同稿項敢云霖雨

牧齋集十

十六

待人工

其八

日薄懸車氣尚矓未應衰晚羨羣公勲名行輩

皆綸閣位業交游半岱宗師稱應山江陰俱爲冥官綜核又

聞新丙魏拜稽空說舊夔龍茫然歛手君休笑

贏得空枰號國工

其九

仙壇樓觀鬱瞳矓大筆真難繼魯公雙樹至今

留法寶五花那得蔽台宗闔廬城下聞經雉烏

目山頭聽法龍師許五月十三日降于余家應與諸天共盟

證待余結集付良工

其十

天門閭闔日瞳矐靈瓊傳宣佑鉅公

天子鉅公也

已

勅東皇邀木母更驅西伯獻河宗蕩除讒佞投

哮虎潤澤焦枯遣睡龍玉扎金文司命誥仙班

咫尺領羣工

師識天下方治平未章致頌禱之意

白叔德操傳起廢之信遺詩枉訊次韻奉

答聊用解嘲

病蹙誰傳起廢年開械一笑晚風前雞因惜尾

憂瀕死鼠爲拖腸怕上天貢禹冠應慙宿好子

牧齋集十

十七

公書肯仗時賢五湖儘有閒風月已具鷓夷舊

釣船

送陸大孟鳧之錫山學官

樞衣緩帶儼師儒顧影依然笑步趨客枕夢依

雙堠近秋呈人共一燈癯橫經先誦披華賦設

教如頌調水符莫嘆廣文官獨冷老夫久已著

潛夫

答越卓凡憲副

中山篋裏謗書新博得沙場百戰身天以垂成

留劇賊帝將不死答勞臣衣深赭色橫戈久

筆退銛鋒草檄頻我欲爲君歌督護夜闌酌酒
向鈞陳

陸宣公墓道行

延英重門晝不開白麻黃閣飛塵埃中條山人
叫閤哭金吾老將聲如雷蘇州宰相忠州死天
道寧論乃如此千年遺觀歸不歸兩地孤墳竟
誰是人言藁葬留忠州又云徵還返故丘圖經
聚訟故老鬪爭此朽骨如天球齊女門前六里
路蕎麥茫茫少封樹下馬猶尋董相陵飛鳧孰
辨孫王墓青草黃茅萬死鄉蠅頭細字寫巾箱
起草尚傳哀痛詔閉門自驗活人方永貞求舊
空黃土元祐青編炤古人生忠佞看到頭至
竟延齡在何許君不見華山山下草如熏石闕
豐碑野火焚樵夫踞坐行人唾傳是崖州丁相
墳

牧齋集十

十八

舒仲符畫丹徒張明府

文光

小像戲題四

絕句明府記三生事一世爲僧再世爲鄰

家童子自爲記甚奇

水石清妍鶴骨癯依然劔佩列仙儒此中若著

邢和璞便是王郎破墨圖

王晉卿以破墨畫邢和璞房次律論前生

其二

鈴柝蕭閒香篆灰江濤射枕夢初回分明記取
三生事曾聽金山粥鼓來

其三

計口齋鹽度六時放衙取水一軍持人言宿世
修行慣不是禪師定律師

悲其四

空花水月影層層劫後生前總一燈要與雲山
留話柄也將玉帶施山僧

牧齋集十

十九

贈翁朔州兆吉二首

朔雲邊雪夢鱸蓴數載方州一角中暈月圍城
悲飲血嘶風歸騎喜抽身佛燈長似平安火詩
債渾如簿領塵君正懸車吾削跡東阡北陌好
爲鄰

其二

吹藜高閣俯迴廊絳帳青燈列鴈行

朔州爲先
夫子高足

弟子吹藜閣先
夫子授經處也

三傳春秋推武庫一門簪笏儼

靈光誰從宣室虛前席且說安昌坐後堂尚憶

荷衣呼出拜白頭愁絕舊書郎

元遺山詩書郎
零落今頭白腸

斷荷衣
出拜時

華山道者劉虛中募刻道德經於厓石懼
其爲山靈之累也作詩送其去以諷止焉
太華五千仞道德五千言靈岳與寶書終古元
氣存君今鑄此經磨厓勒山垠模寫時俗書名
氏相綴分俗書多破體踳駁何足云山中無除
目安取軒冕羣雲臺石室閒刻畫留痕山靈
亦何咎離此鉗鑿寬願君回俗駕息機罷紛紜
歸從老希夷駒駒臥雲根

蒲陽陳氏壽讌四首

牧齋集十

二十

南極光依藜火青澄霞助月見精熒老人星下
多芒翼還是陳家舊聚星

其二

方床竹几夾窻紗人說昆耶居士家滿室天花
都不著長留法喜伴維摩

其三

磊落金盤荔子殷傳觴壓酒賽朱顏絳羅襦裡
膚如玉恰似仙人出海山

其四

開宴吾家舊幔亭綵雲十日駐青冥賢郎近向

吳門去又說麻姑過蔡經

丙子中春日茂苑相公謝政邁歸招邀燕
賞余與其仲啓美張異度徐九一劉漁仲
追陪信宿游虎丘支硎諸山記事四首

謝公高興寄東山遲日招邀共賜閒問壑尋丘
塵世外中車蠟屐畫圖閒風寒乍勒回春候雲
潤俄經作雨還最喜林深無虎豹夕春猶許歷
孱顏

其二

短簿祠前花正殷相看心在水雲閒蓮宮載酒

收齋集十

二十一

仍招隱竹院逢僧又得閒蟲鶴變餘存白社劫
灰飛盡表青山公言子厚多題句一笑何當浣
蘇斑十四日遊虎丘余語茂苑丁公言章子厚
題詩亦與此山茲存乎相與一笑而出

其三

岡複溪迴徑穿招提樓閣暮雲邊山腰正值
諸峯缺寺面平鋪萬頃煙爲問把茅尋石室莫
因泮井嘆寒泉茂苑與蒼雪法
師有結茅之約道人縱鶴今何
處且放雙眸向碧天十五日遊
中峯院

其四

卅年游跡花山寺矍圃觀人盡可憐失馬因緣

雙鬢外亡羊岐路一燈前青松旋覺龍鱗長白石還驚鳥道連昏黑藍轡重回首藤蘿新月近
諸天

自寒山游花山寺昔游二十許人
惟茂苑昆弟異度及余四人在

上茂苑相公二首

講席延登入禁闈主恩旋許遂初衣雲還碧落原無意鶴向青霄豈倦飛竹下清齋餘鳥施花間小院與僧歸天庭黃色仍如許知是先生戰勝肥

其二

也知脫屣一官無每爲憂時或嘆吁屋棟豈應勞我祝床稜寧患少人模片茅蓋頂真堪老兩膝隨身不要扶竺塢虞山過雲處勅教雙鶴遞相呼

曹能始爲先夫人立傳寄謝

逐子東征杳莫從機殘績冷泣尸囊青編幸遇曹能始彤管何慙范蔚宗築室不堪論舊隱焚山寧復問新封孤生滿掬三春淚泉客珠成恰似濃

次劉漁仲留別韻

南國猶殘半月春東亭共愴百年身與君作別

難成醉欲贈將離始覺貧黃卷秋燈燒尾客綠
窻朝日畫眉人蘭臺好獻雄風賦莫漫微詞及
宋鄰

其二

赤麋銅馬逼淮徐老屋三閒幸著予坐甲裹糧
師日老拂衣擲硯計全疎廟堂鈞黨諳弧矢郡
國求金急羽書早辦枚臯傳檄手莫誇詞賦似
相如

葛將軍歌

吳人葛誠以蕉扇招市人殺稅
監參隨吳人義之呼爲葛將軍

誠未死時江淮閒舟
船賽祭之輒有驗

牧齋集十

二十三

葛將軍萬夫雄我昔遇之婁水東魁顏虎鼻眉
目古蕉扇颯拉吹秋蓬死骨穿近五人冢生覓
嘯動五兩風葛將軍今死矣權奇倣儻誰與儼
生惜不逢漢武帝鴻漸之翼困閭里犬臺宮中
應召見上林牧羊躡草履君不見車丞相宮殿
出入乘小車亦是上書一男子

近多召見上書
人不次除拜

雲閒張老工於累石許移家相依賦此招

之二首

百歲平分五十春四朝閱歷太平身長鏡短屐
全家具綠水紅樓半主人荷杖有兒扶薄醉縛

船無鬼笑長貧山中酒伴更相賀花發應添愛
酒鄰

其二

不是尋花卽討春偏於忙裏得閒身終年累石
如愚叟倏忽移山是化人無酒過牆長作惡有
錢挂杖已忘貧明年肯踐南邨約祭竈先須請
比鄰

王二溟布政謝事家居八十如少壯聽歌
度曲累夕不倦奉贈二首

蕭閒真欲擬驂鸞矍鑠猶能說據鞍小建纛旗

牧齋集十

二十四

臨麴部平分旌節領騷壇三休記向中條勒四
漫詩留退谷刊猶恐非熊頻入夢鑄除溪石不
名蟠

其二

名場戰地謝駢馳禪榻茶煙颯鬢絲功在刀州
成昔夢罰依金谷賦新詩嘗餐兔藥抄雲子自
轉鶯歌教雪兒萬樹梅花方破臘祝君先插向
南枝

奉贈會稽倪太公十四韻

家學經鋤世所欽會稽竹箭比南金辭方娥廟

爲絲絹筆向耶溪淬劒鐔揮灑剡藤成五色鏗
鉤雷鼓有餘音分災射的年年白飲德河醪處
處沈滿載樵風頻往復扁舟夜雪每追尋花深
梅市詩嘗徧月滿柯亭酒自斟修竹茂林供列
座青鞋布襪稱長吟千巖萬壑爲圖畫禹穴秦
碑自古今烏府風霜傳舊節鯉庭桃李接新陰

長公侍御史
視學南畿

膝前御史床猶在宅畔尚書塢正

深虞竹盈堦方鬱鬱丁松入夢轉森森蓬萊春
水浮仙閣石鏡梅花媚遠岑上樹呼猿輕作伴
升堂使鶴衆如林陽明宛委家山是誰識先生

萬古心

牧齋集十

二十五

識字行

題吳門袁節母冊子

母能識節字兒能識孝字人生識字只兩箇何
用三倉四部盈箱筭羨君傭書養母能不憂白
華潔白充晨羞牛腰詩卷平傳誦行看綽楔懸
烏頭君不見長洲陳五經摳衣跪母提汲綛籬
邊使者星馳報天子詔書一夕來青冥

牧齋初學集卷第十

宋順十年丁
月盡間四月

丁丑春盡赴急徵稼軒並列刊章上龍相從
草索渡淮而北赤地千里身雖非人不忘吁
嗟閔雨之思遂名其詩曰桑林集

過清江浦遙寄故人

跨下橋邊又此行
鬚眉白髮可憐生
班荆却喜無人問
刻木祇愁有吏迎
惜別飛花憎岸草
相留語鶯笑林鶯
多情依舊長淮水
流入清江伴鶻聲

牧齋集卷十一

漂母祠和何士龍

韓侯釣水遶城垣
青史猶垂進食言
人以千金知老母
天將一飯試王孫
孤生書劒霑新淚
逐客簪纓感昔恩
欲薦渚蘋何限恨
寒鴉落日滿祠門

黃河

都將銀漢變黃流
也是天公錯一籌
鵠駕但為終夕計
鼉梁寧是濟川謀
災來何用沈圭璧
時至那須辨馬牛
飛昂出圖君莫詫
清河白馬又誰尤

俳體戲示士龍

四瀆已將三瀆過三春總是一春忙
黃沙學傅何郎粉赤汗從熏荀令香
釜下馬通和餅蒸棧閒驢面比人長
歸來準備江南話煖鋪深釵笑幾場

次韻荅士龍二首

白首孤臣踐駭機天門夢斷翮猶飛
覆蕉鹿訟無榮辱芥羽雞場有是非
扣角車前唯汝共觀魚濠上與心違
閨中春莫應相憶掩淚頻聽緩緩歸

又次

牧齋集十一

二

蛇鬪龍爭共發機刺天毛羽正羣飛
十州鑄鐵人謀錯萬物爲銅冶非作楫
胥靡身故在刺舟漁父意相違君看河上攤
錢叟不犯風濤不肯歸

清河道中三首

拍岸河流氣不平單車盡日遶河行
帆檣矗立遙天破波浪掀翻大地爭
罩眼飛沙人面改撞冒噩夢旅魂驚
野田蔓草渾無賴斷途芳菲逐處生

其二

銀鑿驅我太匆匆，襆被囊衣客子同心似行枚。
銜舌底身如釋米箕，車中東還刺促看南斗。西
笑惜騰向北風，捫腹自嗟還自問，不知若箇是
途窮。

其三

慘澹郊原似霧凇，洪河噉岸馬嘶空。粘天黑浪
非章相刮地，黃塵是庾公。柳樹病猶踰夏雨，薺
花開亦向春風。人閒榮落關何事，野店殘陽一
閃紅。

宿遷

牧齋集十一

三

枕畔車輪又一宵，荻簾土銼共蕭條。棧爭惡草
驢言怒，炊仗殘通馬意驕。野集煙稀知罄盡，春
田兆坼見龜焦。溺人強笑誰相問，莫以愆陽歎
聖朝。

郟城二首

村店無籌殺五更，棧驢齧暗相驚。蓬鬆旅鬢
料風色，滴瀝愁腸量雨聲。催舞荒雞啼夜半，識
塗老馬盼晨明。雲開日轉非吾事，也要殘春一

路晴

其二

挹斗揚箕誤有名，捫參歷井信浮生。
天垣貫索星文賤，人世胥靡性命輕。
豺虎頻年銜尾過，馬驢終日竝頭行。
岱宗顧我如衡嶽，矜鬻開雲報午晴。

一歎示士龍

一歎依然竟隕霜，烏頭馬角事茫茫。
及門弟子同關索，薄海僧徒共炷香。
百口累人藏複壁，千金爲客掩壺漿。
昭陵許哭無多淚，唐制有寃者許哭昭陵

要倩馮班慟一場

里中小馮生善哭

牧齋集十一

四

費縣道中三首

驅車入魯，予遺黎宗國相傳事，可悲歌鳳有人。
供放逐鬪雞，無相繫安危。申豐錦去鄰，華羨陽
虎弓還盜，亦嗤唯有汶陽田下水。至今流恨遶
鳧龜。

其二

費縣城邊紫翠重，恰憑登頓看山容。
雲舒霧縠浮千嶂，雨濯煙綃出數峯。
石瀨咽沙流淺，淺野花眠草吐茸。
茸停車佇想東蒙客，欲討尊羹興已慵。

其三

闌珊心事怯餘春殘夢驚迴一欠伸病樹不禁
蛇在腹野花終倚草爲身櫪中馬老空知道爨
下車勞枉作薪當食爲君三歎息難將更僕話
窮塵

泉林

泗水之源出焉
曰子在川上處

泉林源泗水叢薄闕荒丘的礫翻空色縈迴貯
湫流道窮悲渫井物化感藏舟願解塵纓濯悠
然炤白頭

泗水二首

牧齋集十一

五

柳市纒煙麥起波江南樂事趁清和當風翠袖
穿花竝映水紅粧向晚多鸞識疏窻溫舊語鶯
憐別院選新歌情知好夢成殘夢也較車聲枕
畔過

其二

柳絮飛交菜甲塵車中何處見殘春北來有鶯
如胡語南望無鷺比鴈臣渡淮以此絕不聞鶯
燕亦似作此音故以
歎爲泗水湫流長帶咽歷山遥黛正含嘖劒溪雲
樹漁莊水領略秋先要此身

早發次士龍韻

車輪鳴轆轤鈴鐸響丁東鄉夢殘燈外羈心屬
語中褐衣裳早霧席帽泛春風偶梗休相笑漂
搖各斷蓬

再次

呆愚浴殿北鈴索液池東莫道天方醉還期日
再中看桃宜令節嫁杏與春風歎息年芳逝飄
蕭兩鬢蓬

四月十一日登岱五十韻

清晨上秦山下山未昏黑登覽興已賒驅車一
何疾我行渡泗水望岳心悚栗原野相却迎丘

牧齋集一

六

陵莽奔逸胡然類削成未見表律萃停車迴馬
嶺凝望似堂密岱勢白迴伏羣山各離立傲俛
矗數峯疊浪見沸渾偃蹇欲不朝顧眄疑旋揖
低徊成運眩登頓猶埒塞紆迴凌絕頂頰仰蕩
胷臆天去山不多雲與地爲一衆山斯在下九
點煙屑瑟鉅如牛眠冢細如蟻封埴散如狐綏
綏聚如羊解解弭伏象環衛奔走效羈繫傲俛
雖兀傲沒踝不及膝乃知丈人尊兒孫敢匹敵
登登四十里十八盤乃畢山容濯深秀石狀鬪
詭特洞壑互排陷岡巒競迸逼穿地山根湧撐

天石笋出層峯腰帶雲遠嶂掌蔽日大冶無不
有神工故難詰琢爲研山姿縮放盆池質近松
辨薺峙遙樹紛禾櫛戍削衣低昂翻反袖欵反
玲龍月斧漏窈窕雲車匿屬連方帖妥颺去忽
剖副濃淡尺寸變向背一曠失領要苦煩紆追
逋恍迷惑何當信宿留攬采靈異悉坐看下垂
雲布滿兜羅色又看崇朝雨飛練挂千匹煙嵐
挾烘染雲海搜蕩滴籠抽賦家心極命畫史筆
逝將毀車輪豈獨戴臺笠茲游借刻髻身世兩
牽率每笑秉燭忙自歎乞火急是時天大旱山
枯石將泐渴游旣惺忪閔雨彌快悒元君盛香
火盼饗走郡國金錢佐軍儲羨餘潤私室神道
亦乘除青帝遂失職雀鼠穿帷帳風雨剝韋鞞
惜哉陰陽愆致此驕蹇極神心本天咫明禋在
國恤魯童舞僇僇齊偶啖啞啞天門開詆蕩膚
寸雲豈息炲炲蟣蟲臣獨爲蒼生泣

春盡日次士龍韻

淒涼白髮黃塵裏祖道東皇又一巡暈碧裁紅
成故事落花中酒是前因繇來好別長禁客况
復窮途更泥人是我送春春送我
把君詩句問

殘春

將抵德州遣問盧德水

十載栖遲汗簡青飛鴻漸羽故冥冥抱經有約
尋盧閣書牘何顏問杜亭窻下草深埋退筆床
頭花盡臥空鉞披帷想像人斯在試款衡門一
扣扃

齊河懷古四首

耿濟鎮

耿奔擊張步濟師齊河陽至今耿鎮水軍聲沸
湯湯歎息千年後荒城築阜昌

齊河城劉豫所築

收齋集十一

八

晏城

采地遺者誰相國齊晏子千駟不匡君二桃能
殺士激彼梁丘生浮白爲之起

高唐城

綿駒雖不存善歌表遺里君聽齊謳聲抗越清
濟水豈無梁甫吟何人爲側耳

定慧寺

呂公榮公徒鐵衣佐龍興投戈返初服撒手歸

上乘麒麟可卽圖龍像俱傳燈

呂公名智壽初住定慧寺精難

師起謂

上於濟南募兵五千餘人所向有功

官

樂

初

歸

返

僧

服

與

榮

公

相

繼

官

樂

初

歸

返

坐化今寺藏二公
畫像呂公九奇偉

早發定慧寺禹城道上逢茅山張鍊師
漏鼓晨鐘喚病魔僧窻殘夢未銷磨
篔簹中虛擬三閒住桑下真成一宿過
領略雞談酬客少商量雀語誤人多
騎驢却笑神仙客倒載黃沙不奈何

德水送芍藥

藥闌花朵正紛披
客舍憐君贈我時
纖手折來紅粉誤
攢頭恨去綠盤知
芳菲尚憶翻階早
和齊深憂實鼎遲
莫作離騷香草看
楚臣腸斷是

將離

牧齋集十

九

東壁樓懷德水

小樓殘日自昇平
茶竈煙消香篆更
訴盡春愁雙鶯語
喚迴午枕一雞鳴
中原氛祲連玄菟
下界浮雲竝太清
撫檻欲招金馬客
夜深同候泰階明

次韻酬德水見贈

蒼黃被急徵性命
落片紙昔爲頭上巾
今爲足下履感君逢
迎意纏綿入骨髓
炙眉忘艱辛抗言論
文史半生歷坎陷
刺刺正坐此逆人吐刺

芒愛我其疾美辟如中風走暫息聊復耳慚無
席上珍視彼犢中毀志士思風雨瞽史知星紀
矢詩敢遂歌聊以復吾子

上牧齋先生

盧世淮

平生一寸心結託數番紙夢想凡幾年今日
奉約履攝衽聆微言徹骨透腦髓方知有身
世方知有經史曠觀古及今懷抱盡於此先
生救世手淵淵饒內美伊呂伯仲間名位偶
然耳從不受人譽何乃來人毀讒夫卽高張
焉能亂天紀風雨動魚龍仁義動君子

牧齋集十一

十

謝德州張太守送酒

越吟憔悴著南冠炙日熏風道路難且向東方
窮窶數東方朔平
原人也敢於安邑問猪肝香翻乳酒
傾雲液油點槐淘瀉玉盤從此人傳送臨賀爲
君鄭重一加餐

通州張太公壽讌詩十六韻其子主事文

輝知縣文燧來請

邦畿鄰魏闕家世本留侯束髮輕榮進齊眉篤
好逑絲綸鸞掖出桃李鯉庭收柳市眉良憫蘭
香藥可羞冶盈新鑄炭懷握舊傳鈎筵對樓桑

樹杯添谷黍籌小紅花競吐重碧酒新萼桃熟
將人試梨消不外求長筵羅易粟深院植安榴
人世腰纏鶴天恩杖祝鳩易京堪避世聖水可
忘憂亥字春秋小丁年齒髮適星槎通漢渚仙
治滿神州北海供椒繭平原置酒郵二子一令益都一管
倉德州故有繭裘平原酒之聯燕歌徵戚里趙瑟倚筇篻載詠
南山什賡歌迭獻酬

代贈十六韻

別館新宮碧落連星娥月姊自年年錦章天上
仍難報機石人間可浪傳搗藥兔還尋好伴入

牧齋集十一

十一

河蟾肯炤孤眠目成敢託波通語意感祇憑枕
作緣臉際芙蓉長自媚詩中芍藥倩他憐欲知
君面聊看鏡但憶郎家便數錢藥使歸身欣啞
謎鈎藏蓮子畏空拳明粧不省宵來卸好夢還
將睡去圓苦憶落花爲我伴生憎飛燕到誰邊
關情落索拋紅豆使性迷離拆翠鈿已分管絃
陪謝傳敢云條脫贈羊權雉羹斟酌期加飯烏
爪爬搔不用鞭緩唱深杯供竹葉斜行小字擘
花箋駐顏豈必餐雲母煖老終當種玉田報喜
金針新露夕懷人紈扇早涼天秋衾也逐征夫

遠莫是君歸在妾先

柳枝十首

花信樓前風暗吹紅欄橋外雨如絲一株顚顚
無人見肯與人閒縮別離

其二

離別經春又隔年搖青漾碧有誰怜春來羞共
東風語背却桃花獨自眠

其三

簇縷垂絳阿那姿風流種性會禁持樹旁空有
傳書使蝕葉成文好寄誰

其四

牧齋集十一

十二

天生標格擅溫柔小院會攔蘸碧流不是腰支
長委地怕隨紅杏出牆頭

其五

楊葉楊花撩亂時半隨殘夢半游絲可憐萬線
千條在但記征夫舊折枝

其六

嫁杏標梅不耐羞嬌慵盡日倚粧樓團圓解得
東風意判與兒郎打綉球

其七

莫將拋擲怨年華也傍開花也落花河畔青青
比芳草長隨蕩子到天涯

其八

玉樹瓊枝事杳冥天榆月桂總精靈莫欺楊柳
溝泥種也是天街一小星

其九

彎彎月掛柳梢頭新葉如眉月似鈎看取月圓
明鏡焰展開眉葉萬重愁

其十

長養成陰自有期飛花飛絮莫傷悲楚江萍實

牧齋集十一

十三

大如斗好是蟠桃結子時

荷花辭十首

南浦荷花覆白蘋採蓮歌斷曲翻新芙蓉菡萏
多名色不及荷花是可人

其二

十里蓮涇接館娃石城西畔是儂家一枝占斷
西湖種曾是西施舊采花

其三

菡萏芙蓉不較多蓮心蓮的本同科芙蓉頭上
原從草滿子饒他也姓荷

其四

月宮團桂樹婆娑化作峯頭十丈荷
倒向蓮花爲世界可知玉女是姮娥

其五

荷花的的水中央蕩子牽舟一水旁
刺密荷稠那得見迴船隔浦滿風香

其六

魚戲田田隔水知荷花不語自低垂
團團碧葉遮如蓋旋遊明珠打鴨兒

其七

牧齋集十

十四

嫩葢生紅恰試花卷荷纔展欲欹斜
含嬌離立誰堪倚自歛朱房對晚霞

其八

旭露朝霞慢試粧翠莖紫的半摧藏
小蓮結子偏憐早不比紅蕖正出房

其九

露集枝條玉不分如規碧葉動成紋
藕身到底終須折一片冰心付與君

其十

結實成蓮心自知分身化作藕千絲
千絲未斷

終相偶交葉駢花一蒂垂

德州送王鹿年

頻年遭患難道路與子俱有如墮枝鳥依此失
水魚子今捨我去置我於路隅譬彼瞽失相俛
偃何所如子行非無事爲掃我室廬慰我犀角
子衛我充棟書我有萬行淚附子衣裳裾爲我
拜北堂灑向舊倚闥

東壁樓簡程魯瞻

兩膝隨身不自謀一茅蓋頂更何求
兀君突兀千閒屋置我差我百尺樓
北海開車欣後載西園促坐阻清游
他時得遂平原飲傾蓋相看笑白頭

牧齋集十一

十五

爲魯瞻題畫二首

卻扇含嚔歛翠蛾閑看侍女教鸚哥
可憐紅嘴聰明鳥怕殺雕籠是網羅

右美人調鸚鵡圖

拖浪帆風去莫疑高人乘興卽前期
人聞何限迴舟處得似山陰夜雪時

右山陰返櫂圖

欲別東樓去四首

閏四月望日發德州將歸死於司敗吏卒促
迫僕馬惶遽居此樓浹旬一旦別去又不獲
與主人執手欲哭欲泣皆所不可賦欲別東
樓去四章題於樓之前榮壁上庶幾他日解
網生還要德水魯瞻痛飲此樓屬而和之

欲別東樓去樓遲念浹旬槐陰亭早夏鶯語磔
餘春酒爲開嘗好書從借看新他時與朋好風
雨話斯晨

其二

欲別東樓去行車起暗塵忘腰衣帶緩數日鬢

牧齋集十一

十六

毛新小劫看今雨中年別故人可知分手路昔
夢自相因

其三

欲別東樓去孤城已暮笳可憐羈縲客仍作賈
胡家賣餅經寒食吹簫過落花還愁鈎黨急踪
跡到天涯

其四

欲別東樓去東樓卽我廬扶疎槐作陰啁哳鳥
相於墻屋如初至門庭自掃除分留題壁句漫
漉待蟲魚

早發雄縣次稼軒韻

竝著南冠亦偶然何妨酌醴復烹鮮孤花自縱
三春後病樹猶居萬木前失路馬行枯麥裏颺
空塵起大車邊戴盆莫怪頻瞻望也是城南尺
五天

其二

畿南赤縣夕烽連邊鄙會蒙胡虜憐

元結詩序云賊攻永

州破郡不犯此州邊鄙而退豈力能制敵蓋蒙其傷憐而已

秭賦蕭條仍禹

貢桑林焦灼又湯年作霖誰副興雲望繁露空
繙致兩篇何日南山理蕪穢荷鋤同種豆其田

牧齋集十一

十七

空壘扶大車
三春對病樹
空塵起大車
戴盆莫怪頻
瞻望也是城
南尺五天

洪齋初學集卷第十二

霖雨詩集

起丁丑五月盡一年

閏四月二十五日下刑部獄尚書侍郎暨臺
諫郎署相見者五十餘人久旱次日大雨劉
敬仲司空迎謂曰此霖雨之徵也余笑曰安
知不曰亨弘羊天乃雨乎因以霖雨名其詩
云

送姚方伯

永濟

復官

解網殊恩應禱求褰帷重許鎮方州旄頭角動
催庚癸索口星移向斗牛竹馬舊童迎去憶桑
林新雨拂行輶高牙大纛尋嘗事還爲東南借
一籌

洮河石硯歌爲劉君作兼呈宋中丞

祖舜

君不見本朝輿圖軼秦漢洮河今爲國西岸肅
慎楛矢恒來庭丁零牛羊可併案洮河之研玉
比堅踰羗絕塞來幽燕廣廈細旃曾貯此枹罕
西項在眼前白山小奴游兔久傳烽漸近登津
口高麗繭紙阻職貢鼉磯島石煩戍守老夫捧
硯自躊躇拂拭還君三歎餘豈知飛檄磨崖手
牘背相隨獄吏書

送丘俞二將軍

佩印曾經擁節麾荷戈今復戴恩私卽看夏雨
平反日又是秋風選將時索虜共驚新壁壘島
夷還識舊旌旗俞故名將
大猷之子白頭未試猿公術短
後猶堪作健兒

贈別鄭仰田高士

徒步追尋萬里餘飄然南下似投虛賫持仙草
當乾糗拊擋空箱出蹇驢閑代天符分雨滴狂
隨監子掉雷車幔亭雲鶴時相過定有空中寄
我書

獄中雜詩三十首

牧齋集十二

二

支撐劒舌與槍唇坐臥風輪又火輪不作中山
長醉客除非絳市再蘇人赭衣苴履非吾病厚
地高天剩此身老去頭銜更何有從今祇合號
罷民

其二

夜柝驚呼夢亦便晝應如夜夜如年都將永日
銷長繫只倚孤魂伴獨眠晝獄脚跟還有地覆
盆頭上不多天此中未悟逍遙理枉讀南華第

一篇

其三

遷史空留貨殖文竹刑葦籍正紛紛國中安得
魯男子天下無如王長君黠鼠晝巡添伴侶蒼
蠅夜息斷知聞斗牛側畔干將氣早晚光芒定
屬雲

燕人鄭師玄知天象云去年冬貫索
星明主有大人人獄明公當之矣

其四

衣冠楷萃此相遭狴犴中閒小市朝敢祖詩書
輕法律權祧孔孟事臯陶

獄神廟相
傳為臯陶

園扉地竝

綸扉隘鈴柝聲如鈴索遙夢將樓船渡皮島欲
從詹尹問何妖

牧齋集十二

三

其五

通籍刊章目互除恰如朝市有盈虛誰教長者
為方筭更便刑徒習隸書悼往雞羣看斷尾謀
新鼠穴夢乘車閑中簡點人閒事憂患祇應識
字初

其六

紛紛燕獄上書人 天語連章戒瀆陳

凡上疏
陳辯皆

奉

不得

旨曰豈有孤臣淹棘木漫勞

溫旨下楓

宸傷心尚點絲綸簿炙手還逢丞相嗔猶有憂

時心未已雞鳴風雨歎斯長

其七

貫城西畔鐵城幽，紂絕陰宮抵夢游。
側席深居皆虎尾，負牆離立總牛頭。
風傳暗柝千般恨，月照圓狴別樣愁。
謾道繁霜飛六月，葭沉灰冷轉悠悠。

其八

聖世孤生忍自裁，夏臺頌繫比春臺。
深慙黃霸傳經至，傅給事在君胡行
人雪田皆來執經敢趣朱游和藥來。
加劔空餘槃水炤，持刀偏畏鼓聲催。
書生何用憐文季，投匭於今厭草

其九

牧齋集十二

四

訓狐白日向人呼，罔兩中宵問影孤。
有室端堪容兩膝，無牀何處認雙趺。
月窺圓戶如愁繫，風送更籌似逐逋。
唯有羈人甘索處，塊然窮鳥觸籠隅。

其十

驕陽初伏正乘權，窟室薰蒸劇可憐。
爍石只應

園土爛流金，不見鐵圍穿。西天却受炎，方苦

指西曹大地都愁劫，火然獨有老夫誇。矍鑠更

為西天思曳足看飛鳶。

其十一

三韓殘破似遼西
竝海緣邊盡鼓鼙
東國已非箕子國
高驪今作下句驪
中華未必憂寒齒
羣虜何當悔噬臍
莫倚居庸三路險
請封函谷一丸泥

逆奴吞併高麗奪我
屬國中朝置之不問

其十二

漫漫長夜旦何期
無復平分辨四時
苦雨淒風差耐得
薄寒小病亦相宜
天荒地老餘園土
鬼爛神焦見積屍
坐斷波吒真地獄
不繇羅刹不慈悲

牧齋集十二

五

其十三

四序司刑盡爽鳩
何須葉落始悲秋
心情好處渾中惡
風月佳時不抵愁
送去紙錢新鬼市
汲來井水伏屍流
八寒陰獄長如此
縱有陽春到此休

其十四

此中不省是何方
地絕天通限堵牆
玄鳥避巢無四序
獄中無燕燭龍迴駕少
三光枯骸每與人爭
坐白晝頻看鬼亂行
唯有六時鐘鼓發
燈殘夢斷也傍徨

其十五

台星落落夜寥寥咫尺垣牆貫口遙大有羯奴
侵上國可無司馬相中朝廷登近日金甌易夢
卜頻羊沙路囂綸閣園扉多故事與君分墀祭

臯陶

入獄祭臯陶見范滂傳本朝
小說亦載入閣祭臯陶事

其十六

易水波騰碣石翻修羅一掌障乾坤知交踧踖
憂連坐僮僕倉皇擬叫閻美酒經時澆漢獄愁
腸終夜繞吳門却憐痛定仍思痛病悖頻將白
首捫

其十七

牧齋集十二

六

霜慘雲繁鎖鐵扉茶香更酒事都非南冠潦倒
憐烏帽獄卒踉蹌認白衣人比籬花何許瘦身
如朔鴈幾時歸遙知四海登高會多指燕山酹
夕暉九日

其十八

微道嚴更護棘叢果然牢獄不通風安知獄卒
尊如此始信吾生固有窮白日可能迴地底綠
章何處達天中斗魁直下天牢在午夜依然繞

帝宮

其十九

熒熒宿火焰黃昏
撼撼寒風打席門
每借愁端支永夜
都憑噩夢返羈魂
功名過眼篝燈在世
事從頭倒枕論睡
起憎騰扶白首可知
羅網是君恩

其二十

漁灣蟹舍互黃緣
萬樹寒梅罨畫舫
嫩綠放櫂依候足
竊紅出水受風偏
鈿車每惜飛花地
簾閣尤宜小雨天
夢斷江南好春事
與君獄底話

神仙

與劉敬仲談江南風景因文其韻

牧齋集卷十二

七

其二十一

黑獄沉沉白日昏
嚴更况復警重門
難尋伴侶憑形影
欲達音書托嚮言
見晉書五行志
晷短蕭條逢減劫
夢長迢遞歸魂亦知遙
夜相思處燈燼香消半席溫

其二十二

廿年齊聽景陽鐘
投老衣冠此地逢
祝去詛來如有恨
單行卻立豈為恭
獄中巷道狹隘相併過者皆側立
讓行馬頭會聚攢蜂牖
接跡經過折蟻封
卻笑凍蠅思附驥
穴窻何日得從容

其二十三

欲隨短景斷愁腸可耐嚴更又許長謝客蟪蛄
收冷戶依人蟋蟀守空牀耗磨膏火三分漏領
略寒威一番去霜傳語司空休起舞鳴雞暗鴈
總堪傷

其二十四

經年獄底阻艱危狂鳥投籠馬就羈尊者夢中

會示現

十五年前夢多生爲金馬道人與尊者說法以評論故應受業報

老僧

海上已先知

丙子歲吳門王生謁普作有老僧

難不免

一行也蓬蒿環堵彈琴處方丈毗耶宴坐時儒

牧齋集卷十二

八

行宗風都會得信知調伏是便宜

其二十五

半椽恰受向隅人矮屋還憎墊角巾穴紙聲疎
魚網舊啄門響密雀羅新床多臥筆應知懶架
少繙書始覺貧最是催詩并問字每於清夜惱
比鄰

其二十六

蕭辰嚴獄應彫枯風急周廬警夕呼身老蟬衣
穿尔雅道窮蛛網悶陰符寒冰著面生稜角饑
火迴腸轉輓轡遙夜歌聲正三闋始知回也是

吾徒

夜間傳右
君歌聲

其二十七

六街鼓息五更頭
葦席單衣萬事休
已見騎驢臨獨柳
曾看走馬向長楸
革膠一夜離肝腎
牙齒何年長髑髏
東閣免歸西市死
夕陽亭下總悠悠

其二十八

良友冥冥恨夜臺
寡妻稚子尺書來
平生何限彈冠意
後死空餘挂劔哀
千載汗青終有日
十年血碧未成灰
白頭老淚西窻下
寂寞封題一

鴈回

臨邑故司馬夫人
命其子走書相唁

牧齋集十二

九

其二十九

溪柳冥濛比雪寒
竹堂月舫思漫漫
柳溪竹堂皆先世第

宅也好花筆秃珊瑚架
惡草匙荒雲母盤
斟雉羹調誰進
御持螯酒熟且加餐
可憐警枕英雄老

夢斷湘靈瑟未闌

皆吾家譜
諫故事

其三十

皇覽揆余初度時
松醪春酒菊花枝
千金稱壽慚親串
一物全生荷聖慈
老服畫圖行聚米

虛窻料敵坐圍棋
成都桑樹衡山芋
剔盡寒燈

夜話遲

九日二十六日劉尚書諸公曠酒爲壽

送馬異倩歸會稽

諸公紛紛趨貫城子出我入如踐更子罷呼囚
我趣上恰如除目刊姓名多子儂行相問訊執
手顧視心怛怛天地爲籠逝何所欲哭欲泣皆
不成是時當路正炙手同文之獄初煩興端禮
門前舊鐫刻格天閣下新題評羅鉗吉網于錯
拒子虛烏有相枝撐杯裡無蛇我所悉水中有
蟹那能平和藥趣來手欲戰然灰被溺目敢瞪
閉口捕舌豈容道排山壓卵孰與爭骸骨已分

夜齋集十二

十

填牢戶冤夢猶想歸柴荆

聖主聰明察庶獄

小臣愚闇偷殘生竈火撲滅乞兒散社樹斫伐
妖狐驚台階中坻卷舌曲斗閒索口還崢嶸與
子開口方一笑抗手卽路難爲情我爲老寡坐
幽閉子如稚婦初歸寧蓬寧媪媿不相似搥床
撫枕俱鼻營原澤蕭蕭鴻鴈少江河惓惓多甲
兵登山臨水何處所送子目斷秋蓬征東中風
土良不惡弋釣採藥聊意行逸少故有濟世志
安石肯忘東山盟西陵驛樓過騁望東土人士
交送迎牘背何繇具書尺因風哽咽遙寄聲琅

璫白首尚無恙爲我炷香謝 聖明

題杏花宮人圖爲傅右君

閒撥銅鑊看淚痕春風取次到長門監宮傳報
天顏喜紅杏花開滿禁垣

題畫二首爲傅右君

策星夜動王良馬車騎紛紛滿郊野幽并好馬
胡兒騎迴鞭蹴踏長城下今年雲中開馬市百
金一馬胡人喜金繪壓鞍革桐酒齊唱吳歌度
遼水老髯奚官立道傍佇看烙印黯悲傷莫輕
此馬爲胡種會秣天閑十二坊

東奴掠我馬太其疲驚者以予

牧齋集十二

十一

西虜西虜印以入市太僕寺烙印宛然

右牧馬圖

南山白額毛蟲祖掉尾磨牙踞林莽嚙人不肯
避豪賢狡獸輕禽敢余侮壯士髮植風蕭鬣身
掠虎落禽咆哮應弦飲羽目一曠拉押雨血摧
風毛倒載爛班出叢薄山虞高眠野樵樂寄言
尋斧休放縱還爲深山惜藜藿

右射虎圖

李將軍國標挽認三首

飛將名空在封侯事忍論死爲明國法生敢負

君恩棄市沙場血吞胡厲鬼冤古來推轂者先
與鑿凶門

其二

未見東奴滅其如西市何國殤應會鼓虞殞已
聞歌獨石邊墻在中朝敘蔭多誰懸藥街首酌
酒向銅駝

咏雪三十韻

凜凜園中暮漉漉雪下遲雲同天黯淡霞集地
離披肅氣金方積巖威玉律宜臺烏紛淺色林
棘稍皴枝帶殺來鳩署分寒出鳳池猶嫌霜稜

牧齋集十二

十二

去薄肯放日華滋嘉石堆盈矩園扉穴剝規刀
山尖矗矗鈴索墜纍纍病栢封枯削孤篁壓倒
垂牛頭噴變赤鵠面苦藏鷲厚集俄成陣輕飛
故薄惟酸風助饗虐凍雨聚淋瀝清濁容霑灑
乾坤任剗削彌漫卍地網簸頓駕空篩粉飾都
無隙恢張詎有涯菊花何太苦柳絮恐非時虎
穴誠難滿狐踪或暫夷漏壺冥且晦岸谷混高
早半塞亡羊徑平填問馬岐橫空真跋扈失路
亦迷離溷剗那會避污泥總未差如何瓊玖質
翻作糞洩資瑩評瑤臺碎清嗟玉尺墮何當依

瑣闥重與集呆恩繞徑行防滑穿簾坐苦危聽
窻分歎噫將策試扶持悶想陪鯁酒閑搜合闈
詩槎枿生肺腑皎潔見鬚眉屯甲怜毛蝟封侯
惜手龜老夫堪一噓臥憶蔡州師

雪夜次劉敬仲韻

冷壁寒燈焰欲收卅年身計一狐裘雪花似掌
難遮恨風力如刀不斷愁鳶攫高樓仍拉摺鼠
爭深穴正啁啾殘年大有拚身處美酒盈船共
拍浮

贈潞安孫道人詩

并序

牧齋集十三

十三

道人往游新安却病起死其効如神約友人程
孟陽訪余於虞山而不果余復官赴闕從新城
王司馬沁水孫司農問道人在所二公許爲余
延致之亦不果今年聞余有逮繫之禍重滿千
里問余於請室道故悲今相向歎息且約候余
南還策蹇追隨共了還丹大事余感其意作是
歌以贈之并以訂其行焉

道人昔踏天都峯倒吸黃海飡芙蓉道人今居
太行脊手捫天井黃白石今年訪我南冠囚霜
風裂面雪鬚頭墜馬折腰臥旅店十日不食寒

無裘古來神仙多奇鷲英雄迴首人閒事放騾
老將青城容稚龍少年倉海使君今已作愚谷
叟肝膽輪囷尚如斗蹇驢摺紙著巾箱鐵彈如
風藏腦後君不見新城司馬氣食虎八十邊庭
撫驕虜又不見沁水尚書磊落人顧盼霜稜起
眉宇昔年執手禁城闥道周廬旦復晨沁水
每憂當路犬新城欲購解飛人
王司馬詢余欲購解飛人殺虜之一笑而止我從二公問孫老擬學還丹事
幽討二公笑我太早計擲却金蓮想火棗十載
推移陵谷中可憐猿鶴與沙蟲宣屬虜填遼

牧齋集十二

十四

水澤潞知交酌朔風我得幽囚豈非幸尚有殘
生坐智井耳豁依然箭著癩頭童恰似頸生癭
羊羔酒熟歲云暮我心不留君且駐君如朔鴈
我越鳥相將會逐南枝去虞山亦是一仙山丹
井銀筒紫翠閉結宇平臨兩湖水朝飛丹鶴莫
呼還

次韻劉敬仲寒夜六首

寂寂寒廬予影孤咄嗟何計復彫枯心如抱杵
頻春碓身似投驍未入壺憔悴移時枯樹賦淒
涼繞屋北風圖長吟小飲猶堪樂愁坐書空定

不須

其二

小窻颯拉過歸鴉凍口銜寒陣不諱悶取青編
占木稼閑梳白髮鬪霜華差池梁燕恒辭社落
薄巢鳩不置家漫道雪飛如柳絮可隨離夢到
天涯

其三

尚有乾坤容傲兀可無環堵置琴樽望衡對宇
躬耕地流水青山獨樂園零雨故應悲在野停
雲何必歎同昏縞衣夢斷梅千樹月落參橫與

晤言

牧齋集十二

十五

其四

故山松桂傍人閒不出林泉不閉關綠浪水迴
新竹逕紅欄橋繞舊漁灣穿雲臥石何曾鬧抹
月批風也未閑有日隣僧共扶老緣溪略約試
梅還

其五

皮島傳烽數夜驚綠林銅馬苦縱橫憐才可但
旌當轍使過終須赦絕纓急繕臺街懸雜種更
營京觀待長鯨至尊自定金湯計作頌休誇

統萬城

恭聞 聖駕閱
城落句漫記

其六

結蘭延佇自幽幽解佩何當怨蹇修
騏驥生難逃係繼鯨鯢死不爲吞鈎
人間有賦難名別天上無方可寄愁
投老王官尋二士築亭吾亦記休休

再次敬仲韻十二首

白髮盈頭不耐刪無才老子刺痴頑
摩娑明鏡看生面吟咀殘書理舊顏
愧我勞人殊草草輸他柔者自閒閒
江南路在春明外落日飛鴻山

牧齋集十二

十六

外山

其二

不知何罪畫衣冠肯信眉於眼下安
路入藕絲行偈側身藏針孔坐艱難
穴中鳥鼠眠方穩水底魚龍臥亦寒
祇恐清宵又成夢幾迴撫枕到更闌

其三

四壁霜華促曙光中腸結軫重增傷
涉江楚頌無甘橘故室吳羹有稻梁
逆水雙魚多撥刺退風六鷁更迴翔
劇怜世事兼身事咫尺殘燈意

渺茫

其四

誰將瓶缶餉虛空
墻壁依然與我同
生計烏枝依曉月
世情馬耳過東風
粧樓鶯語當春半
禪榻花殘正酒中
雪窖冰山無不可
與君朝夕對芳叢

其五

風輪轉地劫爲塵
猶喜皇天剩此身
顧影自歌將進酒
窮冬還賦惜餘春
端居有疾憂非鬼
空谷無聊喜似人
比屋商聲出金石
可知吾道未

爲貧

牧齋集十二

十七

其六

長安也向日邊
看矮屋雞棲仰面難
窻雪可令長夜旦
壺冰豈爲一人寒
蟣肝無復堪砧几
魚尾何曾戀竹竿
北叟南翁居接戶
始知憂患果無端

其七

鶴蓋成陰柳市頭
金張趙李互經綵
鄒陽下獄悲金鑠
陸賈逢時歎石浮
浮石沉木
語見新語
莫以鵝雛儷腐鼠
好將鴻羽換沙鷗
江東舊隱西湖畔
數

折溪橋一宛丘

其八

交疏窻閣暗傷悲腸底車輪攬夢思滿鏡新粧
留半面堆奩濃黛約雙眉雪深椽燭攤書夜酒
罷銀缸擁髻時歸日胡麻正堪飯更須量畝種
神芝

其九

心情蕭瑟稱初冬晝懶逢人夢亦慵日夕雞啼
愁土室歲時豚柵羨村農絡頭是處皆牛馬假
足何人比馭蛩紫栢聲聞都未了法堂依舊五

牧齋集十二

十八

更鐘

紫栢老人坐化獄中有偈云柝聲未續鈴
聲續誰是聲今誰是聞却憶法堂鍾鼓候

古來竟夢
更紛紜

其十

局趣直成轅下駒敢云世難恨爲儒紛紛戎馬
羞稱老落落乾坤自覺孤雉雖有媒逢弩鏃鹿
生無命繫庖廚朝來盥饋臨青鏡他日何慚魯
衛徒

其十一

丙舍經營拂水陽齋心筮易得歸藏漏春岸柳
迴殘綠破臘江梅發古香鴻鴈計周謀稻黍鷓

鵝枝穩稱飛翔耦耕重訂高人約一段茶窠百
本桑

孟陽詩云何時鉏破東
臯雨一段茶窠百本桑

其十二

每頌新詩可樂饑連墻却喜竝圓扉焚膏東壁
分餘炤曝背西榮共夕暉落落比鄰如置社紛
紛朋好欲忘歸亦知昔夢聊相似銅輦秋衾與
願違

續次敬仲韻四首

有序

余在請室與敬仲司空比屋而居昏夜得句扣
門索和僮僕相嘲曰乞火乎索米乎敬仲每屬

牧齋集十二

十九

和輒出意表余告之曰不量彼已輕兵挑戰勇
而無剛屢爲宿將所困天道後起者勝非獨戰
之罪也願公執螯弧先登僕謹厲兵秣馬以待
敬仲默默不應越數日忽出詩二十二首波騰
泉湧首尾爛然燒燈呵硯次第和之已而笑曰
敬仲之默而不應者示怯以誘我堅壁以老我
也已而連章累紙絡繹見示者重兵以壓我驟
出以窘我也敬仲於致師之法則巧矣黃池之
役昏而戒令雞鳴而壓晉軍王親執袍鼓三軍
譁鉦以振旅聲動天地吳可謂毒彥矣雖然盛

氣盡銳掩人不備固未可謂堂堂正正之師也
余不知兵法不勒部曲免胄大呼獨身搏戰雖
未能斬將褰旗視晉師之大駭不出周軍飭壘
則固有閒矣自今以往交綏而退偃旗息鼓以
避敬仲之顏行敬仲又將曰是其目動而言肆
乎當更用何法以肄我也丁丑十月十六日
跛足爭教欲上天筆床茶竈夢菰煙白蟬舊得
藏身訣黃妳新緡却老編爾雅蟲魚休辨鼠離
騷香草只宜荃丹鉛點勘紛成訟漏轉燈欵月
正圓

牧齋集十二

二十

其二

偷得微生萬事慵
灰飛緹室候初冬
箕風雨難憑
准杓鑿方圓
費彌縫
北郭先生生已老
東家夫子子爲恭
濁醪麤飯吾年事
莫以山林羨鼎鐘

其三

寒空雨雪正霏霏
枯坐西窻歎舉肥
園土冰深知地降
窮冬水涸與天違
履能適足何須截
帕可蒙頭不解飛
莫向崦嵫悲晚懸
車猶足攬餘暉

其四

夜赤漫天巨曉嗽關心象緯未堪論兔知霜降
先管窟蟲爲苗蕃早蝕根壁上畫龍成底事夢
中案鹿竟誰寃圓狴大有乾坤在司寐無勞報
夕昏

生日詩三首

孫吏部 昌齡

百年胡不樂斗酒且相於莫歎山公啓今爲城
旦書林風傳舊嘯窻雪映新居零雨將爲別題
詩料子如

牧齋集十二

二十一

倪戶部 嘉慶

輓餉紆雙管籌邊轉寸腸風霜諳下吏冰雪見
清郎却掃韋編淨清齋梵筴香看君仍仰屋憂
國意何長

劉司空 榮嗣

湛璧難遮害蹇芟幸告功若爲秦獄吏來議漢
司空河伯憂方大波臣論自公憑將尊酒意一
問緯蕭翁

送何士龍南歸兼簡盧紫房一百十韻

崇禎聖天子帝德邁陶唐疇咨若余采共咬亂

紀綱鈞黨窮部牒告訐登巖郎羣小競趣走翁
若中風狂峨峨格天閣沉沉偃月堂聚族謀旦
晚鎖門算昏黃手繕女奴跡足摩胥史林諷指
變鹿馬蜚語沸蜩塘牢修旣告變未竝復上章
納言敢封駁投匭任披猖伊余退廢士杜門事
耕桑十年守環堵一朝鎖銀鐙天威赫震雷門
戶破蒼黃詔紙疾若飛官吏什欲僵有母殯四
載淒風吹畫荒有兒生九齡讀書未盈箱賓客
烏獸散親族憂以瘁或有彊近者懼累遺禍殃
目笑復手笑堅坐看戲場或有淨寧者黠鼠而

牧齋集十二

二十二

貪狼毀室謀取子壞垣隳我采柳榆反皮面謠
詠騰誹謗唯有負傭流弛擔語盡傷唯有龐眉
叟戟手呼彼蒼市人爲罷市僧院各炷香我心
鄙兒女刺刺問東裝暮持襪被出詰朝抵金閭
門生與朋舊蠶涌來四方執手語切切流襟淚
浪浪惜我儻從弱念我道路長或云權倖門刺
客如飛蝗穴頸不見血探頭入奚囊或云盤飧
內鳩莖寘稻梁七箸一不慎墳裂屠肺腸誰與
警昏夜誰與衛露霜誰與扶跋蹇誰與分劬勩
何生奮袖起雲也行所當闔門置新婦問寢辭

高堂典衣買書劍首路何慨慷是時馮使君元

送我臨京江逝將解符印從我俱存亡敬子執

高節再拜舉壺觴江流怒飛立三山擺雷碾白

日忽西匿青天爲低昂行行度淮水登頓相扶

將予古漂母廟祈靈岱宗陽杜亭賢主人盧德

有杜寄館仍異棖不憚開車載不難復壁藏窺

戶無停屨追踪多飲章歸死赴司敗垂頭就桁

楊洵洵同文獄剜肌生痂瘍共莊籍口語曾史

主盜臧百死無一免引義自激昂囑累皮與肉

堅忍枝熬榜多謝老頭顱旦暮虎穴葬何生夜

杖齋集十二

二十三

草疏奮欲排帝閭黯淡蚊撲紙傾歆蚋成行殘

燈焰明滅房心吐寒芒祖宗燭惚恍天心鑒明

明眉山摘牙牌分宜放鈐岡執彼三屍蟲打殺

銅駝傍孤臣獲更生朝市喜相慶吁嗟禍福交

誰能保故嘗與曾附蕭傅畏終叛呂防何以見

魯衛徒然痛陳臧歎子一逢掖眇小少不颺秉

鎖乞收李舉幡請留陽擬子於何蕃譜謀誠有

光孟冬家書來念母心不遑有憂食三歎矧乃

情與翔星言卷衣被別我歸故鄉我欲繫子駒

顧視心悵俛子行急師難子歸慰母望丹青或

可渝此義永不爽我欲送子去鐵門限堵墻園
土無尺水何以當河梁我欲與子訣有如瞽失
相駢蚤一相背嚙負徒仿佯旋思獄急日痛愈
撫鉅創炙手勢轉熱彌天網高張叫閻遠萬里
引刀恥自戕和藥趣朱游呼囚到王章黑暗牢
獄苦爇蒸三伏燬矮棚棲鵝鴨糞壤轉蝓蛭臥
熏腐齇臭渴飲伏屍漿夜夜入針孔朝朝坐劒
鋒此日吾與爾志壹氣益強高論窮結繩和歌
出宮商人生如嗜味患難宜飽嘗阨陳良亦樂
在莒安可忘道遠兵甲阻歲暮雨雪零單行寡

命侶蹇驢艱服箱冰堅埽狐踪雪深埋鹿迹禽
獸猶躡躡子行慎跌踴我行亦不遠歸心急鵠
鷄介恃聖明主數日離火湯縱使荷戈戈終
然反菰蔣買舟具笮箬結庵依枕榔矯志厲桑
榆與子共縹緲學詩辨四始識字探三倉頻年
苦病患學殖日以荒我欲師甯戚秉燭代日光
勿復慕富貴時世難頡頏引鏡看頭目豈是鼠
與鼯勿復憂貧賤順逆隨牛羊譬如死牢戶誰
以軀命償拂水有丙舍青山抱長廊老桂長新
枝江梅發古香君歸持此詩灑埽揭東廂解鞍

憇杜亭先以告紫房

渭南梁生爲余寫真題二絕句

顛悴南冠冰雪晨
天庭黃色自生春
憑君摹寫
胥靡樣
可是商家夢裏人

其二

畫得漁翁貌不肥
春愁鶴髮正依稀
君家渭水
南頭住爲我
平添舊釣磯

趙璧

趙璧連城貴蘭花
有國香猶堪傳脂粉
三十侍
中郎

送陳生崑良南歸

牧齋集十二

二十五

席帽疲驢問牖城
風饕雪虐淚縱橫
夜闌秉燭
知何地酒罷扶床感
再生只有寒燈隨我住
且將歸夢伴君行
棘林漸解彌天網
道路悠悠莫
愴情

寄許文玉

敢謂前賢畏後生
紀羣交誼古人情
家庭實有
晨昏助鄉里
虛傳月旦評
貫酒悲歌憐北寺
明燈布席想南榮
啼猿啖鶴君休歎
并與嚶鳴作

友聲

寄侯豫瞻督學江西

水鑑清時吏部郎持衡專得典文章濯腸箋籀
吞江水炫目蛟龍矚斗芒勸俗蒸嘗先兩廟康郎兩
忠臣廟採風詞翰繼三王停車五乳峯前院爲南
我重拈一瓣香慈山大師葬廬
山五乳峯下

華州郭胤伯過訪

君是郭林宗衣冠見慕同偶然來朔雪相對感
流風舊論城南在新圖冀北空巖更憐促別愁
坐燭花紅

五芳井歌

牧齋集十二

二五

丙子之秋虜再入旁午軍書刺閨急獨石邊牆
一夜隳赤縣黃圖少完邑定興小邑大如斗登
陴死爲朝廷守羊馬城前礮火飛蝦蟆車上雷
聲吼肉薄登城踏積屍麗譙漂血巷流脂狼藉
滿城忠義鬼骨撐骸拒知爲誰君不見奉嘗鹿
大夫奮髯嚼齒詈羯奴峨冠整衣抗白刃至今
衫袖血模糊又不見范家五芳井婦姑母女同
素纓俄頃芳薨斷輓轡千古寒泉見形影胡兵
宵遁三輔清乳燕連窠枝半傾大開明堂論爵
賞帷籌廟算皆公卿朝家彝典有倫次先策功

勳後節義金貂石窈如等閑愍綸綽楔非容易
奉嘗碧血埋荒丘五芳井水空悠悠尚書不肯
判紙尾詞臣何處書詞頭吁嗟乎忠臣烈女心
赤苦冤魄猶思婦胡虜人閒金盃辛無恙井底
銀瓶何足數老夫觸事淚滂沱偏塞決瀾一放
歌此身不共奴酋死忍死幽囚可奈何

張將軍

全昌

挽詞二首

醜虜游魂在雄邊宿將稀將軍今又沒部曲竟
何依恨不沙場死還從馬革歸可憐臯某復猶
用舊征衣

其二

牧齋集十二

二十七

赤血真堪灑丹書未肯刊死填牢戶易生拔賊
營難不汗逾三日無錢買一棺蕭蕭廣柳出易
水正風寒

戲題萬戶部小像

萬一目偏盲偏頭人
故督師世德之子

目送歸鴻故自難傳神正向此中看荆州恰好
添飛白子夏何妨戴小冠公子秋風思北渚孤
臣落日望長安籌邊蕩寇傳家事屈指沙陀舊
將壇

若活一百年

三春赴追捕皇皇喪家狗入夏禁牢獄兀兀困
械杻仰屋棲雞埒負墻坐土偶欲行甕其足欲
言喑其口朝飧棘喉飯夕飲攢眉酒憂來頻擗
胃悸甚輒捧首領嘗難管腰卯或不保酉如此
一歲生可抵一日否陰獄強過活鬼趣預消受
歲月良亦多此歲何必有六十甲子中譬如闕
丁丑若活一百年只算九十九

如此過兩年

兀坐牢戶中日長苦迢遰四季皆慘悽六時自
鉗欽三伏有煎熬八寒無代替有日天蒼涼無
風氣陰曠晷短方偃息夜永又吟嚙墻屋鼠啣
啾床第鬼排擠生憎日輪出長患天門閉矛頭
豈容浙戶限何當懸遙遙度一日當以一歲計
暫看杯度別瞥見銅人製三百八十日強半彭
祖世如此過兩年便算八百歲

昔我年十七

昔我年十七鼓篋游博士文章吐陸離衿帶垂
矯旒朝英啓夕秀粲若嫩花榮壯盛迫婚宦憂
患自茲始荏苒四十載隻身攢譽毀羅網高於
天性命薄於紙皇天可憐我如禾秋蕤蕤健如

續上樹壯若駒未齒今年五十六從頭自經紀
餘年爲再生故我如已死判將四十年捐付東
流水天道周而復明年十七耳

次韻荅潘朗士員外投贈

物論喧呶混豨苓將車盡日歎冥冥誰思灼艾
醫龍病但解堆鹽刻虎形滅死蔡邕仍續史踰
冬劉向又傳經莫憐幽仄論垂釣貫索中間有
客星

其二

圓扉地北限天南只似雲堂未放叅一夜烏頭

牧齋集十二

二十九

虛變白三生鴻爪誤精藍小兒未許呼中令上
客真成解左驂宋玉可能傳帝筮修門客易向
江潭

新阡八景詩 并序

拂水回龍

南條之龍萬里度江自沙山而香山而虞山結
爲縣治東爲馬鞍山其中枝絲拂水巖蜿蜒弭
伏落脉於此故曰拂水回龍

虞山南戒一枝來騰踊龍身萬里迴奔向馬鞍
鱗爪去點成鳥目眼睛開虞山一名鳥目山含珠四海

瀉泉壤銜燭千年炤夜臺長灑天河降時雨噓
雲膚寸起風雷

湖田舞鶴

尚湖之臯溝渚回復登山睇視儼如鶴舞弄吭
奮翮正向新阡父老有龜去鶴來之讖斯當之
矣故曰湖田舞鶴

乳水神臯接墓田仙禽遺蛻正依然梳翎彷彿
飄蘆雪閣脰依微印渚煙華表月明吭竝引丹
立雲白影相連在陰夜旦占鳴和鳳舞休論五

百年

牧齋集十二

三十

石城開幃

拂水巖之西厓石削成雉堞樓櫓形狀備具所
謂石城也列屏列幃尊嚴聳起阡之主山也故
曰石城開幃

石城峯下起佳城百仞丹厓見削成錯列垣墻
天市近縈迴閣道帝車行雲開雉堞曾樓曉日
落旌旗萬馬迎御望朝山爭矗立叅差簪笏似
天平

箭闕朝宗

陽山箭闕相望百里而遙插立天外如向如拱

以圭景之法取之不失杪忽所謂真朝特來也
故曰箭闕朝宗

百里陽山拱墓門歛雲吐景候朝昏羣峯離立
兒孫秀大石中央几案尊箭闕風生旅矢報郊
臺月出火城繁

陽山有吳王拜郊臺

憑高窮覽南條勢江

漢朝宗爲汝論

沓石叅天

三沓石與石城諸峯錯峙沓石虛峴拂水懸流
其上又曰三台石亦主山之侍從也故曰沓石

叅天

牧齋集十二

三十一

拂水高巖近斗魁下臨沓石倚崔嵬漏穿嵐彩
晴飛雨噴薄泉流蟄起雷嶺駐龍車雲滃鬱峯
邀蟾駕月低迴綠章擬奏三階事午夜懸厓禮
上台

會湖浴日

西湖一曰尚湖師尚父垂釣處也彌望環帶繚
如周垣水遶雲從日月出入此明堂之巨觀也
故曰會湖浴日

浴日晴波漾六時丹淵若木影叅差馮夷鼓起
羲和馭尚父湖通潮汐池蕩洗墓頤消薄蝕養

成鳥羽作明離掛弓尚許清遼海欲向扶桑借
一枝

團桂天香

桂叢有小閣斥爲隧道八樹蒼蒼與松楸並列
余少嘗夢臥月宮炤徹肌骨視其扁曰團桂閣
之所取名也故曰團桂天香

八桂團團霜露叢夢回禁扁映新宮三秋落子
金波裏一夜飄香玉魄中月斧自能修窈窕冰
輪端合炤青葱姮娥不惜分靈藥長發新枝助
化工

紫藤衣錦

牧齋集十二

三十二

老藤連蜷託根墻下穿穴面勢用爲指南三四
月閒紫花相繆炤曜藹密真吾家錦溪中物也
故曰紫藤衣錦

溪藤迴伏類牛眠布萼飛英綺樹連落落松楸
如有喜紛紛蘿蔓媿高懸天清羽葆施丹彩日
煖流蘇覆玉煙應笑婆留老孫子還將錦綉裹

山川

山莊八景詩

有唐

錦峯晴曉

嚴文靖公之祖墓今爲阡之左沙其傍有錦峯書院去山莊一牛鳴地畫舫蕭鼓游人絡繹而三春尤盛

錦峯雲物近平泉烏榜紅欄咽畫船寵柳嬌花新節序探珠拾翠小神仙明粧影奪山頭樹急管聲翻水底天語燕正忙鶯又轉莫辭中酒落花前

香山晚翠

香山一名顧山去山莊三十餘里江上諸山皆橫屬於山莊之西而香山爲近虞山來龍處也

牧齋集十二

三十三

今又爲護山

夕陽樓畔坐簾櫳橫抹香山暮靄濃江上餘霞拖半紫雲頭落日逗殘紅秋原桑柘千村影春社牛羊一笛風西庵人家未昏黑席門燈火候歸翁

春流觀瀑

山泉縣流自三沓石下垂奔注山莊滙爲巨壩今旋折爲阡之界水遇風捍勒逆激而上則所謂拂水也

拂水縣流萬壑連空山一夜響飛泉奔爲疋練

幕人呼爲小蘇堤

月堤人竝大堤游墜土粉飄香不斷頭最是桃花
能爛熳可憐楊柳正風流歌鶯隊隊勾何滿舞
鴈雙雙趁莫愁簾閣瑣窻應倦倚紅闌橋外月
如鉤

梅圃谿堂

秋水閣之後老梅數十株古幹蚪繆香雪浮動
今築堂以臨之左右有長廊修竹小橋石礪皆
梅之館宇也

梅花村落傍漁莊寂歷繁英占草堂雀啅寒煙

牧齋集十二

三十五

翻略約鶴窺素豔繞迴廊過墻月亞疎枝影度
水風含別礪香傳語緣堤桃李樹好將穠麗報
年芳

酒樓花信

酒樓直山莊之東平田逶迤晴湖蕩漾北牖直
拂水巖寸人豆馬叅錯山椒紅粧翠袖移動簾
額月堤酒樓此吾山莊之勝與衆共之者也

花厭入高樓酒泛上危登樓共賦豔陽詩入閒

容易催花信天上分明掛酒旗中酒心情寒食
候看花伴侶好春時穠桃正倚新楊柳橫笛朱

欄吳故賦

歲暮懷古

松栝藏門數畝宮，
耕堂土雨衰翁更無生計。
千頭橘尚有殘生，
半樹桐根堆積新愁黃葉雨。
磨舊事白楊風天南地北，
相思處約略寒燈一燼紅。

除夜示楊郎之易是應山忠烈公長子

斗闌十載動衣冠，
京華尚旅愁爲問敵名。
淹邸舍還如它食，
上誰能寄袍曰馬誰之子赤。
衣未提何處，
三憐海交後，
負薪歌罷自

搖頭

奮

十薄... 京華尚旅愁爲問敵名
網齊示... 忠烈公長子

靈... 直山莊之東... 田透迥情湖蕩漾北漏直
... 白... 風天南... 山... 臥... 懸... 細... 隸... 朱
... 半... 樹... 臥... 蘇... 條... 然... 毒... 葉... 雨... 井
... 公... 蘇... 門... 燈... 燭... 膏... 輝... 空... 柱... 兩... 葉... 益... 豈... 瓊... 玉... 精
... 谷... 易... 氣... 暮... 鐘... 香... 法... 分... 明... 掛... 酒... 旗... 中... 酒... 心... 情... 寒... 食
... 林... 美... 必... 惟... 信... 好... 春... 時... 櫻... 桃... 正... 倚... 新... 楊... 柳... 橫... 笛... 朱

